

王湘綺先生全集

唐詩選



禱五言全卷

長沙湘潭王闓運字壬父撰



序目

徐賢妃一首 李百藥一首 王績四首 虞世南

一首 魏徵一首 陸敬一首 楊師道一首 王

勃一首 盧照鄰二首 駱賓王四首 宋之問三

首 沈佺期一首 杜審言二首 蘇味道一首

韓思彥一首 杜易簡一首 張柬之一首 陳子

昂二首 李嶠一首 魏知古一首 宋璟一首

張說四首 袁暉一首 蘇頌一首 郭震一首

卷六

禱五言

張九齡十首 李邕一首 丁仙芝三首 張暉一

首 徐延壽一首 盧象一首 張子容一首 張

若虛一首 孟浩然四首 崔國輔五首 崔顥四

首 祖詠一首 王昌齡一首 蔣維翰一首 萬

楚二首 儲光羲八首 王維二十四首 裴迪三

首 李白十一首 高適四首 杜甫二十三首

岑參二首 劉長卿十五首 耿湣一首 韓翃二

首 劉方平一首 錢起三首 李益一首 盧綸

五首 李端一首 呂牧一首 韋應物二首 李

吉甫一首 權德輿一首 武元衡三首 楊巨源

二首 柳宗元三首 韓愈三首 賈島一首 孟
郊一首 獨孤申叔一首 張碧一首 雍裕之一
首 李賀九首 元稹六首 白居易三首 劉禹
錫四首 李德裕一首 姚合一首 趙嘏一首
施肩吾一首 裴誠三首 張祜五首 李商隱十
八首 溫飛卿二首 許渾二首 楊衡二首 李
羣玉一首 曹鄴一首 鄭谷一首 陸龜蒙一首
右共八十六人詩二百六十三首

卷六

太宗充容贈謚賢妃長城徐惠

進太宗詩

朝來臨鏡臺妝罷暫裴回千金始一笑一召詎能來

太子右庶子謚康安平李百藥字重規

渡漢

東流既瀾瀾南紀信滔滔水激沈碑岸波駭弄珠皋合
星映淺石浮蓋下奔濤溜闊霞光近川長曉氣高
轉輕翼戲鳥落風毛客心既多緒長歌且代勞

太樂丞龍門王績字無功

田家

卷六

一
襍五言

阮籍生涯懶嵇康意氣疎相逢一醉飽獨坐數行書小
池聊養鶴閑田且牧豬草生元亮徑花暗子雲居倚牀
看婦織登隴課兒鋤迴頭尋仙事併是一空虛

平生唯酒樂作性不能無朝朝訪鄉里夜夜遣人酤家
貧留客久不暇道精麤抽簾持益炬拔篲更然鑪恒聞
飲不足何見有殘壺

夜還東溪

石苔應可踐叢枝幸易攀青溪歸路直乘月夜歌還

詠懷

故鄉行雲是虛室坐間同日落西山暮方知天下空

祕書監謚文懿餘姚虞世南字伯施

擬飲馬長城窟

馳馬渡河干流深馬渡難
前途錦車使都護在樓蘭
輕騎猶銜勒疑兵尙解鞍
溫池下絕澗棧道接危巒
拓地勛未賞亾城律豈寬
有月關猶暗經春隴尙寒
雲昏無復影冰合不聞湍
懷君不可遇聊持報一餐

特進知門下省事鄭國公謚文貞曲城魏徵字元成

述懷

中原初逐鹿投筆事戎軒
縱橫計不就慷慨志猶存
杖

卷六

二

雜五言

策謁天子驅馬出關門
請纓係南粵憑軾下東藩
鬱紆陟高岫出沒望平原
古木鳴寒鳥空山啼夜猿
旣傷千里目還驚九逝魂
豈不憚艱險深懷國士恩
季布無二諾侯嬴重一言
人生感意氣功名誰復論

陸敬

遊隋故都

洛城聊顧步長想遂留連
水闕宮初毀風變鼎將遷
皋陶德不建汾隅祀忽焉
宗祊曠無象聲朔緬誰傳
粉榆何冷落禾黍鬱芊絳
悲歌盡商頌太息閔周篇
來蘇佇聖德濡足乃乘乾
正始淳風被人勞用息肩
舞象文思

澤偃伯武功宣則百昌厥後於萬永斯年茲辰素商節
灰管變星躔平原悴秋艸喬木斂寒煙翻黃墜疎葉凝
翠積高天參差海曲鴈寂寞柳門蟬興悼今如此悲愁
復在旃徬徨不忍去杖策屢迴遘

吏部尚書安德郡公諡懿華陰楊師道字景猷

還山宅

暮春還舊嶺徙倚翫年華芳艸無行逕空山正落花垂
藤埽幽石臥柳礙浮槎鳥散芳簷靜雲披澗戶斜依然
此泉路猶是昔煙霞

虢州參軍龍門王勃字子安

卷六

三

雜五言

江亭夜月送別

亂烟籠碧砌飛月向南端寂寂離亭掩江山此夜寒

新都尉范陽盧照鄰字昇之

西使兼送孟學士南遊

地道巴陵北天山弱水東相看萬餘里共倚一征蓬零
雨悲王粲清尊別孔融裴回聞夜鶴悵望待秋鴻骨肉
胡秦外風塵關塞中唯餘劍鋒在耿耿氣成虹

羈臥山中

臥壑迷時代行歌任死生紅顏意氣盡白壁故交輕澗
戶無人迹山窗聽鳥聲春色緣巖上寒光入溜平雪盡

松帷暗雲開石路明夜伴飢鼯宿朝隨馴雉行度溪猶
憶處尋洞不知名紫書常日閱丹藥幾年成扣齒鳴天
鼓燒香厭地精倘遇浮北鶴飄飄陵太清

長安主簿義烏駱賓王

棹歌行

寫月塗黃罷凌波拾翠通鏡花搖芰日衣麝入荷風葉
密舟難蕩蓮疎浦易空鳳媒羞自託鴛翼恨難窮秋帳
鐙華翠倡樓粉色紅相思無別曲併在棹歌中

寒夜獨坐遊子多懷簡知已

故鄉眇千里離憂集萬端鶉服長悲碎蝸廬未卜安富

卷六

四

雜五言

鉤徒有想貧鈇爲誰彈柳秋風葉脆荷曉露文團晚金
叢岸菊餘佩下幽蘭伐木傷心易維桑歸去難獨有孤
明月時照客庭寒

久戍邊城有懷京邑

擾擾風塵地遑遑名利途盈虛一易舛心迹兩難俱弱
齡小山志寧期大丈夫九微光賁玉千仞忽彈珠棘寺
遊三禮蓬山筮八儒懷鉛慙後進投筆願前驅北走非
通趙西之似化胡錦車朝促候刁斗夜傳呼戰士青絲
絡將軍黃石符連星入寶劍半月上彫弧拜井開疎勒
鳴桴動密須戎機習短屨祆褻靜長榆季月炎初盡邊

亭草早枯層陰籠古木窮色變寒蕪海鶴聲嘹唳城烏
尾畢逋葭繁秋色引桂滿夕輪虛行役風霜久鄉園
想孤瀾池遙夏國秦海望陽紆沙塞三千里京城十二
衢楊溝連鳳闕槐路擬鴻都壁殿規宸象金隄汰斗樞
雲浮西北蓋月照東南隅寶帳垂連理銀牀轉轆轤廣
筵留上客豐饌引中廚漏緩金徒箭嬌繁玉女壺秋濤
飛喻馬春水泛仙臚意氣風雲合言忘道術趨其矜名
已泰詎肯沫相濡有志慙雕朽無庸類散樗關山暫越
忽形影歎艱虞結網空知羨圖榮豈自誣忘情同塞馬
比德類宛駒隴阪肝腸絕陽關亭堠迂迷魂驚落雁離

卷六

五

雜五言

恨斷飛鳧春去榮華盡年來歲月蕪邊愁傷郢調鄉思
繞吳歛河氣通中國山途限外區相思若可寄冰泮有
銜蘆

挑燈杖

稟質非貪熱焦心豈憚熬終知不自潤何處用脂膏

越州長史弘農宋之問字延清

奉和晦日幸昆明池應制

春豫靈池會滄波帳殿開舟凌石鯨渡槎拂斗牛回節
晦莫全落春遲柳暗催象溟看浴景燒劫辨沈灰鑄飲
周文樂汾歌漢武才不愁明月盡自有夜珠來

下桂江龍目灘

停午出灘險輕舟容易前峰攢入雲樹崖噴落江泉巨
石潛山怪深篁隱洞仙鳥遊溪寂寂猿嘯嶺娟娟揮袂
日凡幾我行途已千暝投蒼梧郡愁枕白雲眠
靈隱寺

鷺嶺鬱岩堯龍宮瑣寂寥樓觀滄海日門對浙江潮桂
子月中落天香雲外飄捫蘿登埕遠剝木取泉遙霜薄
花更發冰輕葉未凋夙齡尙遐異按對滌煩囂待入天
台路看余度石橋

太子少詹事內黃沈佺期字雲卿

卷六

六

襍五言

奉和晦日駕幸昆明池應制

泐駕乘春轉神池象漢迴雙星移舊石孤月隱殘灰戰
鷁逢時去恩魚望幸來山花緹騎繞隄柳幔城開思溢
橫汾唱歡留宴鑄杯微臣雕朽質羞覩豫章材

修文館直學士襄陽杜審言字必簡

春日江津遊望

旅客搖邊思春江弄晚晴烟銷垂柳弱霧捲落花輕飛
棹乘空下回流向日平鳥啼移幾處蝶舞亂相迎忽歎
人皆濁隄防水至清谷王常不讓深可戒中盈
和李大夫嗣真奉使存撫河東

六位乾坤動三微歷數遷謳歌移火德圖識在金天子
月開階統房星受命年禎符龍馬出寶籙鳳皇傳地卽
交風雨都仍卜澗瀍明堂唯御極清廟乃尊先不宰神
功運無爲大象懸八荒平物土四海接人烟已屬羣生
泰猶言至道偏璽書傍問俗旌節近推賢秩比司空位
官臨御史員雄詞執刀筆直諫罷樓船國有大臣器朝
加小會筵將行備禮樂送別仰神仙城闕周京轉關河
陝服連稍觀汾水曲俄指絳臺前姑射聊長望平陽遂
宛然舜畊餘草木禹鑿舊山川昔出諸侯上無何霸業
全中軍歸戰敵外府絕兵權隱隱帝鄉遠瞻瞻肅命虔

卷六

七

襍五言

西河偃風俗東壁挂星躔井邑粉榆社陵園松栢田榮
光晴掩代佳氣曉侵燕雨霈鴻私滌風行睿旨宣憚瘡
訪疾苦屠釣採貞堅人樂逢刑措時康洽賞延賜踰秦
氏級恩倍漢家錢擁傳咸翹首稱觴競比肩拜迎彌道
路舞詠溢郊鄴殺氣西衡白窮陰北暝玄飛霜遙渡海
殘月迴臨邊緬邈朝廷問周流朔塞旋興來揆馬策俊
發抱龍泉學總八千卷文傾三百篇澄清得使者作頌
有人焉莫以崇班闕而云勝託捐偉材何磊落陋質幾
翩翹江海寧爲讓巴渝轉自牽一聞歌聖道助曲荷陶

同鳳閣鸞臺三品貶益州長史欒城蘇味道

九江口南濟北接蘄春南與潯陽岸

江路一悠哉滔滔九派來遠潭昏似霧前浦沸成雷鱗
介多潛育漁商幾沂洄風搖蜀柿下日照楚萍開近漱
溢城曲斜吹蠡澤隈錫龜猶入貢浮獸罷爲災津吏揮
撓疾郵童整傳催歸心詎可問爲視落潮迴

御史賀遂亮

贈韓思彥

重

意氣百年內平生一寸心欲交天下士未面已虛襟君
子重名義直道冠衣簪風雲行可託懷抱自然深落霞
靜霜景墜葉下風林若上南登岸希訪北山岑

卷六

八

雜五言

考功員外郎左遷開州司馬襄陽杜易簡

湘川新曲

二八相招攜采菱渡前溪弱腕隨橈起纖腰向舸低自
解看花笑憎聞染竹啼

中書令漢陽王襄陽張柬之字孟將

出塞

俠客重恩先驄馬飾金裝警聞傳羽檄馳突救邊荒歎
野山川動囂天旌旆揚吳鉤明似月楚劔利如霜電斷
衝胡塞風飛出洛陽轉戰磨笄俗橫行載斗鄉手擒郅

支長面縛谷蠡王將軍占太白小婦怨流黃腰裏青絲
騎娉婷紅粉妝三春鶯度曲八月雁成行誰堪坐愁思
羅袖拂空牀

右拾遺射洪陳子昂字伯玉

宿襄河驛浦

沿流辭北渚結纜宿南洲合岸昏初夕迴塘暗不流臥
聞塞鴻斷坐聽峽猿愁沙浦明如月汀葭晦若秋不及
能鳴鴈徒思海上鷗天河殊未曉滄海信悠悠

萬州曉發放舟乘漲還寄蜀中親朋

空濛巖雨霽爛熳曉雲歸嘯旅乘明發奔橈驚斷磯蒼

卷六

九

襍五言

苾林岫轉絡繹漲濤飛遠岸孤煙出遙峰曙日微前瞻
未能胸坐望已相依曲直多今古經過失是非還期方
浩浩征思日駢駢寄謝千金子江海事多違

守兵部尙書同中書門下三品贊皇李嶠字巨山

皇帝上禮撫事述懷

配極輝光遠承天顧託隆負圖濟多難脫履歸成功聖
道昭永錫邕言讓在躬還推萬方重咸仰四門聰恭已
忘自逸因人體至公垂旒滄海晏解網汰星空雲散天
五色春還日再中稱觴合纓弁率舞應絲桐凱樂深居
鎬傳歌盛飲豐小臣濫簪筆無以頌唐風

紫微令工部尙書涿州魏知古

從獵涿川獻詩

嘗聞夏太康五弟訓禽荒我后來冬狩三驅盛禮張順
時鷹隼擊講事武功揚奔走未及去羆飛豈暇翔非熊
從渭水瑞翟想陳倉此欲誠難縱茲遊不可常子雲陳
羽獵僖伯諫漁棠得失鑒齊楚仁思念禹湯雍熙亮在
宥亭毒匪多傷辛甲今爲史虞箴遂孔彰

右丞相廣平郡公南和宋璟

奉和御製璟與張說源乾曜同日上官命宴都堂賜詩

應制

卷六

十

襟五言

丞相邦之重非賢諒不居老臣慵且憊何德以當諸厚
秩先爲忝崇班復此除太常陳禮樂中掖降簪裾聖酒
山河潤仙文象緯舒冒恩懷寵錫陳力省空虛郭隗慙
無駿馮諛媿有魚不知周勃者榮幸定何如

尙書左丞相燕國公謚文貞洛陽張說字道濟

襄州景空寺題融上人蘭若

高名出漢陰禪閣跨香岑眾山旣圍繞長川復迴臨雲
峰曉靈變風木夜虛吟碧湫龍池滿蒼松虎徑深舊知
青巖意偏入杳冥心何由侶飛錫從此脫朝簪

恩賜樂遊園宴

漢苑佳遊地軒庭近侍臣共持榮幸日來賞豔陽春
玉頌王筐攬金下帝鈞池臺草色徧宮觀柳條新花綬
光連榻朱顏暢飲醇聖朝多樂事天意每隨人
扈從南出雀鼠谷

豫動三靈贊時巡四海威陝關凌曙出平路半春歸霍
鎮迎雲罕汾河送羽旂山南柳半密谷北草全稀遲日
宜葦蓋和風入袷衣上林千里近應見百花飛

岳州夜坐

炎洲苦三伏永日臥孤城賴此閒庭夜蕭條夜月明獨
歌還太息幽感見餘聲江近鶴時叫山深猿屢鳴息心
觀有欲棄知返無名五十知天命吾其達此生

卷六

十一

襍五言

左補闕袁暉

奉和聖製蒼張說扈從南出雀鼠谷之作

魏國山河險周王警蹕迴九旗雲際出萬騎谷中來石
路行將盡烟郊望忽開賞矜垂柳報春畏落花催興逸
橫汾什恩褒作頌才小臣瞻日月延首詠康哉

紫微侍郎知政事諡文憲武功蘇頲字廷碩

敬和崔尚書大明朝堂雨後望終南山見示之作

奕奕輕車至清晨朝未央未央在霄極中路視咸陽委
曲漢京近周迴秦塞長日葦動涇渭天翠合岐梁五丈

旌旗色百層粉檠光東連歸馬地南指鬪雞場晴壑照
金祀秋雲含璧璫由余窺霸國蕭相奉興王功役隱不
見頌聲存復揚權宜珍構絕聖祚寶圖昌在德期巢燧
居安汰禹湯冢卿才順美多士賦成章價重三臺俊名
超百郡良焉知掖垣下陳力自迷方

兵部尙書同中書門下三品代國公終饒州司馬貴
鄉郭震字元振

春江曲

江水春沈沈上有雙竹林竹葉壞水色郎亦壞人心

尙書右丞相荊州長史謚文獻曲江張九齡字子壽

卷六

三

襍五言

別鄉人南還

橘柚南中煖桑榆北地陰何言榮落異因見別離心吾
亦江鄉子思歸夢寐深聞君去水宿結思渺雲林牽綴
從浮事遲回謝所欽東南行舫遠秋浦念緩吟

洪州西山祈雨是日輒應因賦詩言事

茲山蘊靈異走望良有歸北禱雖已久毗心難重違遲
明申藻薦先夕旅巖扉獨宿雲峰下蕭條人吏稀我來
不外適幽抱自中微靜入風泉奏涼生松栝圍窮年滯
遠想寸晷閱清暉虛美悵無屬素情緘所依詭隨嫌弱
脆羈束謝貞肥義濟亦吾道誠存爲物祈靈心倏已應

甘液幸而飛閉閣且無責隨車安敢希多慙德不感知
復是耶非

歲初巡屬縣登高安南樓言懷重

山城本孤峻憑高結層軒江氣偏宜早林英粲已繁餘
滋含宿霽眾妍在朝暎拂衣釋簿領伏檻遺紛喧深俯
東溪澳遠延南山樊歸雲納前嶺去鳥投遙村日盡有
餘意心惻不可諉竭來彭蠡澤載經敷淺原春及偶生
思時哉無與言不才叨過舉唯力酬明恩美化猶寂蔑
迅節徒飛奔雖無成立效庶以去思論行復徇孤迹亦
云吾道存

卷六

三

襍五言

自始興溪夜上赴嶺

嘗蓄名山意茲爲世網牽征途屢及此初服已非然日
落青巖際溪行綠篠邊去舟乘月後歸鳥息人前數曲
迷幽嶂連圻觸澗泉深林風緒結遙夜客情縣非桷胡
爲泛無膏亦自煎不知于役者相樂在何年

巡屬縣道中作

春令夙所奉駕言遵此行途中卻郡掾林下招村氓至
邑無紛劇來人但歡迎豈伊念邦政爾實在時清短才
濫符竹弱歲起柴荆再入江村道永懷山藪情矧逢陽
節獻默聽時禽鳴迹與素心別感從幽思盈流芳日不

待夙志蹇無成知命且何欲所圖唯退耕
蕞簪極身秦衰鬢慙木榮苟得不可遂吾其謝世嬰

郢城西北有大古冢數十觀其封域多是楚時諸王而年代久遠不復可識唯直西有樊妃塚因後人爲植松栢故行路盡知之

蘋藻生南澗蕙蘭秀中林嘉名有所在芳氣無幽深楚子初逞志樊妃嘗獻箴能令更擇士非直罷從禽舊國皆湮滅先王亦莫尋唯傳賢媛隴猶結後人心牢落山川意蕭疎松栢陰破牆時直上荒徑或斜侵惠問終不絕風流獨至今千春思窈窕黃鳥復哀音

卷六

十四

襍五言

郡舍南有園畦襍樹聊以永日

爲郡久無補越鄉空復深苟能秉素節安用叨華簪卻步園畦裏追吾野逸心形骸拘俗吏光景賴閒林內訟誠知止外言猶匪忱成蹊謝李徑衛足感葵陰榮達豈不偉孤生非所任江城何寂歷秋樹亦蕭森下有北流水上有南飛禽我願從歸翼無然坐自沈

同綦母學士月夜聞雁

棲宿豈無意飛飛更遠尋長途未及半中夜有遺音月思關山笛風號流水琴空聲兩相應幽感一何深避繳歸南浦離羣叫北林聯翩俱不定憐爾越鄉心

西江夜行

遙夜人何在澄潭月裏行悠悠天宇曠切切故鄉情外
物寂無擾中流澹自清念歸林葉換愁坐露華生猶有
汀洲鶴宵分乍一鳴

賦得自君之出矣

自君之出矣不復理殘機思君如滿月夜夜滅清輝

北海太守江都李邕字泰和

登歷下古城員外孫新亭

吾宗固神秀體物寫謀長形制開古迹曾冰延樂方太
山雄地理巨壑眇雲莊高興汨煩促永懷清典常含宏

卷六

五

禊五言

知四大出入見三光負郭喜秔稻安時歌吉祥

餘杭尉曲阿丁仙芝

江南曲五首

長干斜路北近浦是兒家有意來相訪明朝出浣紗
發向橫塘口船開值急流知郎舊時意且請攏船頭
昨暝逗南陵風聲波浪阻入浦不逢人歸家誰信汝

校書郎曲阿張翬

絕句

茫茫烟水上日暮陰雲飛孤坐正愁緒湖南誰擣衣

江甯處士徐延壽

南州行

搖艇至南國國門連大江中洲西邊岸數步一垂楊金
釧越溪女羅衣胡粉香纖縑春卷幔采蕨暝提筐弄瑟
嬌垂幌迎人笑下堂汀頭浣衣處無數紫鴛鴦

主客員外郎汶水盧象字緯卿

送綦母潛

夫君不得意本自滄海來高足未云騁虛舟空復迴淮
南楓葉落灞岸桃花開出處暫爲耳沈浮安繫哉如何
天覆物還遣世遺才欲識秦將漢嘗聞王與裴離筵對
寒食別雨乘春雷曾有徵書到荷衣且漫裁

卷六

六

襍五言

樂城尉張子容

春江花月夜

林花發岸口氣色動江新此夜江中月流光花上春分
明石潭裏宜照浣紗人

袁州兵曹揚州張若虛

代荅閨夢還

關塞年華早樓臺別望違試衫著煖氣開鏡覓春暉燕
入窺羅幕蜂來上畫衣情催桃李豔心寄管弭飛妝洗
朝相待風花暝不歸夢魂何處入寂寂掩重扉

荊州從事襄陽孟浩然字浩然

和張判官登萬山亭因贈洪府都督韓公

韓公美襄土日賞城西岑結構意不淺巖潭趣轉深皇
華一動詠荆國幾謠吟舊徑蘭勿翦新隄柳欲陰砌傍
餘怪石沙上有間禽自牧豫章郡空瞻楓樹林因聲寄
流水善聽在知音耆舊眇不接崔徐無處尋物情多貴
遠賢俊豈無今遲爾長江水澄清一洗心

峴山送蕭員外之荊州

峴山江岸曲郢水郭門前自古登臨處非今獨黯然亭
樓明落照井邑秀通川澗竹生幽興林風入管弭再飛
鵬激水一舉鶴冲天佇立三荆使看君駟馬旋

卷六

七

襍五言

宿建德江

移舟泊煙渚日暮客愁新野曠天低樹江清月近人
春曉

春眠不覺曉處處聞啼鳥夜來風雨聲花落知多少
禮部員外郎貶晉陵郡司馬吳崔國輔

怨詞二首

妾有羅衣裳秦王在時作爲舞春風多秋來不堪著
樓頭桃李疎池上芙蓉落織錦猶未成蛩聲入羅幕
長信草

長信宮中草年年愁處生故侵珠履跡不使玉階行

小長干曲

月暗送潮風相尋路不通菱歌唱不徹知在此塘中
古意

浮掃黃金階飛霜皎如雪下簾彈箜篌不忍見秋月
司勛員外郎汴州崔顥

長干曲四首

君家何處住妾住在橫塘停船暫借問或恐是同鄉
家臨九江水來去九江側同是長干人生小不相識
下渚多風浪蓮舟漸覺稀那能不相待獨自逆潮歸
三江潮水急五湖風浪湧由來花性輕莫畏蓮舟重

卷六

六

襟五言

洛陽祖詠

終南望餘雪

終南陰嶺秀積雪浮雲端林表明霽色城中增暮寒

龍標尉京兆王昌齡字少伯

東谿翫月

月從斷山口遙吐柴門端萬木分空霽流陰中夜攢光
連虛象白氣與風露寒谷靜秋泉響巖深青靄殘澄清
入幽夢破影抱空巒恍惚琴窗裏松谿曉思難

蔣維翰

古歌

美人閉紅燭獨坐裁新錦頻放剪刀聲夜寒知未寢

萬楚

題情人藥欄

斂眉語芳艸何許太無情正見離人別春心相向生
河上逢落花

河水浮落花花流東不息應見浣紗人爲道長相憶

監察御史兗州儲光羲

襍詠五首

得從軒墀下殊勝松柏林生枝逐架遠吐葉向門深何
許荅君子簷間朝暝陰 架簷藤

卷六

尤

襍五言

舞鶴俯池邊水清毛羽鮮立如依岸雪飛似向池泉江
海雖言曠無如君子前 池邊鶴

游茅山

十年別鄉縣西去入皇州此意在觀國不言空遠遊九
衢平若水利往無輕舟北洛反初路東江還故北春山
多秀木碧澗盡清流不見子桑扈當從方外求

昔賢居柱下今我去人間良以直心曠兼之外視閒垂
綸非釣國好學異希顏落日登高嶼悠然望遠山溪流
碧水去雲帶清陰還想見中林士巖扉長不關

江南曲四首

綠江深見底高浪直翻空慣是湖邊住舟輕不畏風
逐流牽荇葉緣岸摘蘆苗爲惜鴛鴦鳥輕輕動畫橈
日暮長江裏相邀歸渡頭落花如有意來去逐船流
隔江看樹色沿月聽歌聲不是長干住那從此路行

尚書右丞河東王維字摩詰

扶南曲歌詞

堂上青弢動堂前綺席陳齊歌盧女曲雙舞洛陽人傾
國徒相看寧知心所親

香氣傳空滿妝華影箔通歌闥天仗外舞出御筵中日
暮歸何處花間長樂宮

卷六

三

襍五言

送別

下馬飲君酒問君何所之君言不得意歸臥南山陲但
去莫復問白雲無盡時

西施詠

豔色天下重西施寧久微朝仍越溪女暮作吳宮妃賤
日豈殊眾貴來方悟稀邀人傅香粉不自著羅衣君寵
益嬌態君憐無是非當時浣紗伴莫得同車歸持謝鄰
家子效顰安可希

過沈居士山居哭之

楊朱來此哭桑扈返於真獨自成千古依然舊四鄰閒

簷喧鳥鵲故榻滿埃塵曙月孤鶯囀空山五柳春野花
愁對客泉水咽迎人善卷明時隱黔婁在日貧逝川嗟
爾命北井歎吾身前後徒言隔相悲詎幾晨

送綦母潛落第還鄉

聖代無隱者英靈盡來歸遂令東山客不得顧采薇既
至君門遠孰云吾道非江淮度寒食京洛縫春衣置酒
臨長道同心與我違行當浮桂櫂未幾拂荆扉遠樹帶
行客孤村當落暉吾謀適不用勿謂知音稀
觀別者

青青楊柳陌陌上別離人愛子遊燕趙高堂有老親不
行無可養行去百憂新切切委兄弟依依向四鄰都門
帳飲畢從此謝親賓揮涕逐前侶含悽動征輪車徒望
不見時見起行塵吾亦辭家久看之淚滿巾

卷六

三

襍五言

秋色有佳興况君池上閑悠悠西林下自識門前山千
里橫黛色數峯出雲間嗟峨對秦國合沓藏荆關殘雨
斜日照夕嵐飛鳥還故人今尙爾歎息此頽顏

送權二

高人不可有清論復何深一見如舊識一言知道心明
時當薄宦解辭去中林芳艸空隱處白雲餘故岑韓侯

久攜手河嶽共幽尋悵別千餘里臨堂鳴素琴

送秘書晁監還日本

并序

舜觀羣后有苗不格禹會諸侯防風後至動干戚之舞興斧鉞之誅乃貢九牧之金始頒五瑞之玉我開元天地大寶聖文神武應道皇帝大道之行先天布化乾元廣運涵育無垠若華爲東道之標戴勝爲西門之候豈甘心於筇杖非微貢於包茅亦由呼耶來朝舍於葡萄之館卑彌遣使報以蛟龍之錦犧牲玉帛以將厚意服食器用不寶遠物百神受職五老告期況乎戴髮含齒得不稽顙屈膝海東國日本爲大

卷六

三

雜五言

服聖人之訓有君子之風正朔本乎夏時衣裳同乎漢制歷歲方達繼舊好於行人滔大無涯貢方物於天子司儀加等位在王侯之先掌次改觀不居蠻夷之邸我無爾詐爾無我虞彼以好來廢關弛禁上敷文教虛至實歸故人民雜居往來如市晁司馬結髮遊聖負笈辭親問禮於老聃學詩於子夏魯借車馬孔北遂適於宗周鄭獻縞衣季札始通於上國名成太學官至客卿必齊之姜不歸娶於高國在楚猶晉亦何獨於由余遊宦三年願以君羹遺母不居一國欲其晝錦還鄉莊舄旣顯而思歸關羽報恩而終去

於是稽首北闕裹足東轅篋命賜之衣懷敬問之詔
金簡玉字傳道經於絕域之人方鼎彝尊致分器於
異姓之國琅琊臺上回望龍門碣石館前奠然鳥逝
鯨魚噴浪則萬里倒回鷁首乘雲則八風却走扶桑
若薺鬱島如萍沃白日而簸三山浮蒼天而吞九域
黃雀之風動地黑蜃之氣成雲森不知其所之何相
思之可寄嘻去帝鄉之故舊謁本朝之君臣詠七子
之詩佩兩國之印恢我王度諭彼蕃臣三寸猶存樂
毅辭燕而未老十年在外信陵歸魏而逾尊子其行
乎余贈言者

卷六

三

襍五言

積水不可極安知滄海東九州何處遠萬里若乘空向
國唯看日歸帆但信風鰲身映天黑魚眼射波紅鄉樹
扶桑外主人孤島中別離方異域音信若爲通

送李太守赴上洛

商山包楚鄧積翠藹沈沈驛路飛泉灑關門落照深野
花開古戍行客響空林板屋春多雨山城晝欲陰丹泉
通號略白羽抵荆岑若見西山爽應知黃綺心

青龍寺曇壁上人兄院集

并序

吾兄大開蔭中明徹物外以定力勝敵以惠用解嚴
深居僧坊傍俯人里高原陸地下映芙蓉之池竹林

果園中秀菩提之樹八極氛霽萬巢塵息太虛寥廓
南山爲之端倪皇州蒼茫渭水貫於天地經行之後
跌坐而閑升堂梵筵餌客香飯不起而遊覽不風而
清涼得世界於蓮花寄文章於貝葉時江甯大兄持
片石命維序之詩五韻座上成

高處敞招提虛空詎有倪坐看南陌騎下聽秦城雞眇
眇孤煙起芊芊遠樹齊青山萬井外落日五陵西眼界
今無染心空安可迷

與蘇盧二員外期遊方丈寺而蘇不至因有是作

共仰頭陀行能忘世諦情回看雙鳳闕相去一牛鳴法
向空林說心隨寶地平手巾花氎淨香帔稻畦成聞道
邀同舍相期宿化城安知不來往翻得似無生

曉行巴峽

際曉投巴峽餘春憶帝京晴江一女浣朝日眾雞鳴水
國舟中市山橋樹杪行登高萬井出眺迴二流明人作
殊方語鸞爲故國聲賴多山水趣稍解別離情

息夫人

莫以今時寵難忘舊日恩看花滿眼淚不共楚王言

雜詩三首

君自故鄉來應知故鄉事來日綺窗前寒梅著花未

已見寒梅發復聞啼鳥聲
心心視春艸畏向堦前生

輞川集 并序

余別業在輞川山谷其遊止有孟城坳華子岡文杏館斤竹嶺鹿柴木蘭柴茱萸泃宮槐陌臨湖亭南坨歛湖柳浪藥家瀨金屑泉白石灘北坨竹里館辛夷塢漆園椒園等與裴迪間暇各賦絕句云

空山不見人但聞人語響返景入深林復照青苔上

鹿柴

秋山斂餘照飛鳥逐前侶彩翠時分明夕嵐無處所

蘭柴

北坨湖水北雜樹映朱闌逶迤南川水明滅青林端

北坨

卷六

五

雜五言

獨坐幽篁裏彈琴復長嘯
深林人不知明月來相照

竹里館

苔裴迪輞口遇雨憶終南山之作

淼淼寒流廣蒼蒼秋雨晦
君問終南山心知白雲外
相思

紅豆生南國秋來發故枝
願君多采擷此物最相思
相看不忍發慘淡暮潮平
語罷更攜手月明洲渚生

失題

蜀州刺史關中裴迪

輞川集

日夕見寒山便爲獨往客
不知深林事但有磨麕跡

鹿柴

門前宮槐陌是向歆湖道秋來山雨多落葉無人掃宮槐

滎渟澹不流金碧如可拾迎晨含素華獨往事朝汲金屑

左拾遺成紀李白字太白

關山月

明月出天山蒼茫雲海間長風幾萬里吹度玉門關
漢下白登道胡窺青海灣由來征戰地不見有人還
戍客望邊色思歸多苦顏高樓當此夜歎息未應閒

春思

卷六

三

襍五言

燕艸如碧絲秦桑低綠枝當君懷歸日是妾斷腸時
春風不相識何事入羅幃

子夜吳歌

秦地羅敷女采桑綠水邊素手青條上紅妝白日鮮
蠶飢妾欲去五馬莫留連 春歌

長安一片月萬戶擣衣聲秋風吹不盡總是玉關情
何日平胡虜良人罷遠征 秋歌

秋浦歌

淶水淨素月月明白鷺飛郎聽采菱女一道夜歌歸
桃波一步地了了語聲聞聞與山僧別低頭禮白雲

勞勞亭

天下傷心處勞勞送客亭春風知別苦不遣柳條青
送紀秀才遊越

海水不滿眼觀濤難稱心卽知蓬萊石卻是巨鼇簪送
爾遊華頂令余發鳥吟仙人居射的道士住山陰禹穴
尋溪入雲門隔嶺溪綠蘿秋月夜相憶在鳴琴

玉階怨

玉階生白露夜久侵羅襪却下水晶簾玲瓏望秋月
送姪良攜二妓赴會稽戲有此贈

攜妓東山去春光半道催遙看若桃李雙入鏡中開

卷六

三

雜五言

怨情

美人捲珠簾深坐顰娥眉但見淚痕溼不知心恨誰

散騎常侍渤海縣侯贈禮部尙書諡忠穆高適字達
夫

寄孟五少府

秋氣落窮巷離憂兼暮蟬後時已如此高興亦徒然知
君念淹泊憶我屢周旋征路見來雁歸人悲遠天平生
感千里相望在貞堅

和賀蘭判官望北海作

聖代務平典輜軒推上才迢遙溟海際曠望滄波開四

牡未遑息三山安在哉巨鰲不可釣高浪何崔嵬湛湛
朝百谷茫茫連九垓挹流納廣大觀異增遲迴日出見
魚日月圓知蚌胎跡非想像到心以精靈猜遠色帶孤
嶼虛聲涵殷雷風行越裳貢水過天吳災攬轡隼將擊
忘機鷗復來緣情韻騷雅獨立遺塵埃吏道竟殊用翰
林仍忝陪長鳴謝知己所媿非龍媒
送崔錄事赴宣城

大國非不理小官皆用才欲行宣城印住飲洛楊杯晚
景爲人別長天無鳥迴舉帆風波渺倚棹江山來羨爾
兼乘興蕪湖千里開

卷六

三

雜五言

陪竇侍御靈雲南亭宴詩得雷字

并序

涼州近胡高下其池亭蓋以耀蕃落也幕府董帥雄
勇徑踐戎庭自陽關而西猶枕席矣軍中無事君子
飲食宴樂宜哉白簡在邊清秋多興況水具舟檝山
兼亭臺始臨泛而寫煩俄登陟以寄傲絲桐徐奏林
木更爽觴葡萄以遞歡指蘭茝而可掇胡天一望雲
物蒼然雨蕭蕭而牧馬聲斲風嫋嫋而邊歌幾處又
足悲矣員外李公曰七日者何牛女之夕也夫賢者何
得謹其時請賦南亭詩列之於後

人幽宜眺聽目極喜亭臺風景知愁在關山憶夢迴

言殊語默何意忝遊陪連唱波瀾動冥搜物象開新秋
歸遠樹殘雨擁輕雷簷外長天盡尊前獨鳥來常吟塞
下曲多謝幕中才河漢徒相望嘉期安在哉

檢校工部員外郎劔南節度參謀襄陽杜甫字子美
大雲寺贊公房

心在水精域衣霑春雨時洞門盡徐步深院果幽期倒
屣關復閉撞鐘齋及茲醜酬長發性飯食過扶衰把臂
有多日開懷無媿辭黃鸝度結構紫鴿下罌罍芳意會
所適花邊行自遶湯休起我病微笑索題詩

鐙影照無睡心清聞妙香夜深殿突兀風動金銀鐙天
黑閉春院地清棲暗芳玉繩回斷絕鐵鳳森翱翔梵放
時出寺鐘殘仍殷牀明朝在沃野苦見塵沙黃
傷春

天下兵雖滿春光日自濃西京疲百戰北闕任羣凶關
塞三千里煙花一萬重蒙塵清路急御宿且誰供殷復
前王道周遷舊國容蓬萊足雲氣應合總從龍

日月還相鬪星辰屢合圍不成誅執法焉得變危機大
角纏兵氣鉤陳出帝畿烟塵昏御道耆舊把天衣行在
諸軍闕來朝大將稀賢多隱屠鈞王肯載同歸

聞說初東幸孤兒卻走多難分太倉粟競棄魯陽戈胡

虜登前殿王公出御河得無中夜舞誰憶大風歌春色
生烽燧幽人泣薜蘿君臣重修德猶足見時和
行次昭陵

舊俗疲庸主羣雄問獨夫讖歸龍鳳質威定虎狼都天
屬尊堯典神功協禹謨風雲隨絕足日月繼高衢文物
多師古朝廷半老儒直詞寔戮辱賢路不崎嶇往者災
猶降蒼生喘未蘇指揮安率土盪滌無洪爐壯士悲陵
邑幽人拜鼎湖玉衣晨自舉鐵馬汗常趨松柏瞻虛殿
塵沙立暝途寂寥開國日流恨滿山隅

重經昭陵

卷六

三

禊五言

艸味英雄起謳歌麻數歸風塵三尺劔社稷一戎衣翼
亮貞文德丕承戢武威聖圖天廣大宗祀日光暉陵寢
蟠空曲熊羆守翠微再瞻松柏路還有五雲飛

寄岳州賈司馬六丈巴州嚴八使君兩閣老五十韻

衡岳啼猿裏巴州鳥道邊故人俱不利謫宦兩悠然開
關乾坤正榮枯雨露偏長沙才子遠釣瀨客星縣憶昨
趨行殿殷憂捧御筵討胡愁李廣奉使待張騫無復雲
臺仗虛修水戰船蒼茫城七十流落劔三千畫角吹秦
晉旄頭俯澗瀟小儒輕董卓有識笑苻堅浪伴禽填海
那將血射天萬方思助順一鼓氣無前陰散陳倉北晴

熏太白顛亂麻厥積衝破竹勢臨燕泐駕還雙闕王師
下八川此時霑奉引佳氣拂周旋貔虎開金甲麒麟受
玉鞭侍臣諳入仗廐馬解登仙花動朱樓雪城凝碧樹
烟衣冠心慘愴故老淚潺湲哭廟悲風急朝正霽景鮮
月分梁漢米春得水衡錢內蕊絲如纈宮莎軟勝絲恩
榮同拜手出入最隨肩晚著華堂醉寒重繡戶眠轡齊
兼秉燭書枉滿懷賤每覺升元輔深期列大賢柄鈞方
咫尺鍛羽再聯翩禁掖朋從改微班性命全青蒲甘就
戮白髮竟誰憐弟子貧原憲諸生老伏虔師資謙未達
鄉黨敬何先舊好腸堪斷新愁眼欲穿翠乾危棧竹紅

卷六

三

襍五言

賦小湖蓮賈筆論孤憤嚴詩賦幾篇定知深意苦莫使
萬人傳貝錦無停織朱絲有斷絃浦鷗防碎首霜鶻不
空拳地僻昏炎瘴山稠墮石泉且將棋度日應用酒爲
年典郡終微眇治中實棄捐安排求傲吏比興展歸田
去去才難得蒼蒼理又玄古人稱逝矣吾道卜終焉隴
外翻投迹漁陽復控弦芙蓉爲妻子累甘與歲時遷親故
行稀少兵戈動接連他鄉饒夢寐失侶自屯邇多病加
淹泊長吟阻靜便如公盡雄俊志在必騰騫

送蔡希曾都尉還隴右因寄高三十五書記

蔡子勇成癖彎弓西射胡健兒寧鬪死壯士恥爲儒官

是先鋒得材緣挑戰須身輕一鳥過槍急萬人呼雲幙
隨開府春城赴上都馬頭金狎哈駝背錦模糊咫尺雪
山路歸飛青海隅上公猶寵錫突將且前驅漢使黃河
遠涼州白麥枯因君問消息好在阮元瑜

與李十二白同尋范十隱居

李侯有佳句往往似陰鏗余亦東蒙客憐君如弟兄醉
眠秋共被攜手月同行更想幽期處還尋北郭生入門
高興發侍立小童清落景聞寒杵屯雲對古城向來吟
橋頌誰欲計純羹不願論簪笏悠悠滄海情

千秋節有感

自罷千秋節頻傷八月來先朝常宴會壯觀已塵埃鳳
紀編生日龍池塹劫灰湘川新涕淚奏樹遠樓臺寶鏡
羣臣得金吾萬國迴衢尊不重飲白首獨餘哀

送嚴侍郎到綿州同登杜使君江樓

野興每難盡江樓延賞心歸朝送使節落景愴登臨稍
稍烟集渚微微風動襟重船依淺瀨輕鳥度層陰檻峻
背幽谷窗虛交茂林燈光散遠近月彩靜高深城擁朝
來客天橫醉後參窮途衰謝意苦調短長吟此會共能
幾諸孫賢至今不勞朱戶閉自待白河沈

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤良
會不復久此生何太勞窮愁但有骨羣盜尙如毛吾舅
惜分手使君寒贈袍沙頭暮黃鵠失侶自哀號

東屯月夜

抱疾漂萍老防邊舊穀屯春農親異俗歲月在衡門青
女霜楓重黃牛峽水喧泥留虎鬪跡月挂客愁村喬木
澄稀影輕雲倚細根數驚聞鵲噪暫睡想猿蹲日轉東
方白風來北斗昏天寒不成寢無夢寄歸魂

登舟將適漢陽

春宅棄汝去秋帆催客歸庭蔬尙在眼浦浪已吹衣生
理飄蕩拙有心遲暮違中原戎馬盛遠道素書稀塞雁
與時集檣烏終歲飛鹿門自此往永息漢陰機

寄彭州高三十五使君適虢州岑二十七長史叅三十

韻

故人何寂寞今我獨淒涼老去才難盡秋來興甚長物
情猶可見詞客未能忘海內知名士雲端各異方高岑
殊緩步沈鮑得同行意愜關飛動篇終接混茫舉天悲
富駱近代惜盧王似爾官仍貴前賢命可傷諸侯非棄
擲半刺已翱翔詩好幾時見書成無使將男兒行處是
客子鬪身強羈旅推賢聖沈絲抵咎殃三年猶瘡疾一

鬼不銷亾隔日按脂髓增寒抱雪霜徒然潛隙地有覩
屢鮮妝何太龍鐘極於今出處妨無錢居帝里盡室在
邊疆劉表雖遺恨龐公至舛藏心微傷魚鳥肉瘦恹豺
狼隴草蕭蕭白洮雲片片黃彭門劒閣外號略鼎湖旁
荆玉簪頭冷巴箋染翰尤烏麻蒸續曬丹橘露應嘗豈
異神仙宅俱兼山水鄉竹齋燒藥竈花嶼讀書牀更得
清新否遙知對屬忙奮官寧改漢醇俗本歸唐濟世宜
公等安貧亦士常蚩尤終戮辱胡羯漫倡狂會待祆氛
靜論文暫裏糧

敬贈鄭諫議十韵

卷六

三

雜五言

諫官非不達詩義早知名破的由來事先鋒孰敢爭思
飄雲物外律中鬼神驚毫髮無遺恨波瀾獨老成野人
寧得所天意薄浮生多病休儒服冥搜信客旌築居仙
縹緲旅食歲崢嶸使者求顏闔諸公厭禰衡將期一諾
重歎使寸心傾君見窮途哭宜憂阮步兵

秋日夔府詠懷奉寄鄭監審李賓客之芳一百韻

絕塞烏蠻北孤城白帝邊飄零仍百里消渴已三年雄
劒鳴開匣羣書滿繫船亂離心不展衰謝日蕭然筋力
妻孥問菁莪歲月遷登臨多物色陶冶賴詩篇峽束滄
江起巖排石樹圓拂雲霾楚氣朝海蹴吳天煮井爲鹽

速焯畚度地偏有時驚疊嶂何處覓平川鷓鴣雙雙舞
獼猿壘壘點碧蘿長似帶錦石小如錢春艸何曾歇寒
花亦可憐獵人吹戍火野店引山泉喚起搔頭急扶行
幾屐穿兩京猶薄產四海絕隨肩幙府初交辟郎官幸
備員瓜時拘旅寓萍泛苦黃緣藥餌虛狼藉秋風灑靜
便開襟祛瘴癘明目埽雲煙高宴諸侯裏佳人上客前
哀箏傷老大萃屋豔神仙南內開元曲常時弟子傳淞
歌聲變轉滿座涕潺湲弔影夔州僻回腸杜曲煎卽今
龍廡水莫帶犬戎羶耿賈扶王室蕭曹拱御筵乘威滅
蜂蠆戮力効鷹鷂舊物森猶在凶徒惡未悛國須行戰
伐人憶止戈鉞奴僕何知禮恩榮錯與權胡星一彗宇
黔首遂拘攣哀痛絲綸切煩苛淞令蠲業成陳始王兆
喜出於畋宮禁經綸密台階胡戴全能罷載呂望鴻雁
美周宣側聽中興主長吟不世賢音徽一柱數道里下
牢千鄭李光時論文章竝我先陰何尙清省沈宋歛聯
翩律比岷嶠竹音知燥濕弦風流俱善價愜當久忘筮
置驛常如此登龍蓋有焉雖云隔禮數不敢墜周旋高
視收人表虛心味道玄馬來皆汗血鶴唳必青田羽翼
商山起蓬萊漢閣連管窰紗帽淨江令衲袍鮮東郡時
題壁南湖日扣舷遠游陵絕境佳句染葦牋每欲孤飛

去徒爲百慮牽生涯已寥落國步乃迤邐衾枕成蕪沒
池塘作棄捐別離憂怛怛伏臘涕漣漣露菊班豐鎬秋
蔬影澗瀟共誰論昔事幾處有新阡富貴空迴首喧爭
懶著鞭兵戈塵漠漠江漢月娟娟局促看秋燕蕭疎聽
晚蟬雕蟲蒙記憶烹鯉問沈綿卜羨君平杖偷存子敬
羶囊虛把釵釧米盡坼花鈿甘子陰涼葉茅齋八九椽
陣圖沙北岸市暨瀼西巔羈絆心常折棲遲病卽痊紫
收岷嶺芋白種陸池蓮色好梨勝頰穰多栗過拳勅廚
唯一味求飽或三饅兒去看魚筍人來坐馬羈縛柴門
窄窄通竹溜涓涓塹抵公畦稜村依野廟埂缺籬將棘

卷六

七

襍五言

拒倒石賴藤纏借問頻朝謁何如穩醉眠誰云行不逮
自覺坐能堅霧雨銀章跽馨香粉署妍紫鸞無近遠黃
雀任翩翾困學違從眾明公各勉旃聲華夾宸極早晚
到星躔懇諫留匡鼎諸儒引服虔不過輸鯁直會是正
陶甄宵旰憂虞軫黎元疾苦駢雲臺終日畫青簡爲誰
編行路難何有招尋興已專由來具飛檝暫擬控鳴弦
身許雙峰寺門求七祖禪落帆追宿昔衣褐向真詮安
石名高晉昭王客赴燕途中非阮籍楮上似張騫披拂
雲窻在淹留景不延風期終破浪水怪莫飛涎他日辭
神女傷春怯杜鵑淡交隨聚散澤國繞迴還本自依迦葉

何曾藉偃佗鑪峰生轉眄橘井尙高褰東走窮歸鶴南
征盡跼鳶晚聞多妙教卒踐塞前愆顧凱丹青列頭陀
瓊玢鐫眾香深黯黯幾地肅芊芊勇猛爲心極清羸任
體孱金篋空刮眼鏡象未離銓

秦州見敕目薛三璩授司議郎畢四曜除監察與二子
有故遠喜遷官兼述索居凡三十韻

大雅何寥闕斯人尙典刑交期余潦倒材力爾精靈二
子聲同日諸生困一經文章開突奧遷擢潤朝廷舊好
何由展新詩更憶聽別來頭並白相見眼終青伊昔貧
皆甚同憂歲不寧栖遑分半菽浩蕩逐流萍俗態猶猜

卷六

五

襍五言

忌妖氛復杳冥獨慙投漢閣俱議哭秦庭還蜀祇無補
囚梁亦固扃萃夷相混合宇宙一羶腥帝力收三統天
威總四溟舊都俄望幸清廟肅惟馨襍種雖高壘長驅
甚建瓴焚香淑景殿張水望雲亭法駕初還日羣公若
會星宮臣仍點染柱史正零丁官忝趨棲鳳朝回歎聚
螢喚人看騶裊不嫁惜娉婷掘劍知埋獄提刀見發硎
侏儒應其飽漁父忌偏醒旅泊窮清渭長吟望濁涇羽
書還似急烽火未全停師老資殘寇戎生及近坰忠臣
辭憤激烈士涕飄零上將盈邊鄙元勳溢鼎銘仰思調
玉燭誰定握青萍隴俗輕鸚鵡原情類鵲鴿秋風動關

塞高臥想儀形

復愁十二首

萬國尙防寇故園今若何昔歸相識少早已戰場多
胡虜何曾盛干戈不冝休閭閻聽小子談話覓封侯
貞觀銅牙弩開元錦獸張花門小箭好此物棄沙場
今日翔麟馬先宜駕鼓車無勞問河北諸將角榮華
西川節度從事兼侍御史南陽岑參

送嚴維下第還江東

勿歎今不第似君殊未遲且歸滄洲丞相送青門時望
烏指鄉遠問人愁路疑做裘沾暮雪歸棹帶流澌嚴子
灘復在謝公文可追江皋若有信莫不寄新詩

卷六

五

襍五言

早秋與諸子登虢州西亭觀眺

亭高出烏外客到與雲齊樹點千家小天圍萬領低殘
虹挂陝北急雨過關西酒榼緣青壁瓜田俯綠谿微官
何足道愛客且相攜唯有鄉園處依依望不迷

隨州刺史河間劉長卿字文房

棲霞寺東峰尋南齊明徵君故居

山人今不見山鳥自相從長嘯辭明主終身臥此峰泉
源通石徑磻戶掩塵容古墓依寒艸前朝寄老松片雲
生斷壁萬壑遍疏鐘惆悵空歸去猶疑林下逢

長沙早春雪後臨湘水呈同遊諸子

汀洲煖漸綠煙景淡相和舉目方如此歸心豈奈何日
華浮野雪春色染湘波北渚生芳艸東風變舊柯江山
古思遠猿鳥暮情多君問漁人意滄浪自有歌

自道林寺西入石路至麓山寺過法崇禪師故居

山僧候谷口石路拂莓苔深入泉源去遙從樹杪回香
隨青靄散鐘過白雲來野雪空齋掩山風古殿開桂寒
知自發松老問誰栽惆悵湘江水何人更渡杯

上湖田館南樓憶朱晏

漂泊日復日洞庭今夜秋白雲如有意萬里望孤舟何

卷六

四

襟五言

事愛成別空令登此樓天光映波動月影隨江流鶴唳
靜寒渚猿啼深夜洲歸期誠已促清景乃相留頃者慕
獨往介來悲遠遊風波自此去桂水空離憂

留題李明府雲溪水堂

寥寥此堂上幽意復誰論落日無王事青山在縣門雲
峰向高枕漁釣入前軒晚竹疎簾影春苔雙履痕荷香
隨坐臥湖色映晨昏虛牖閒生白鳴琴靜對言暮禽飛
上下春水帶清渾遠岸誰家柳孤煙何處村謫居投瘴
癘離思過湘沅從此扁舟去那堪江浦猿

龍門八詠

山葉倚崖赤千峰秋色多
夜泉發清響寒渚生微波
稍見沙上月歸人爭渡河
水東渡

松路向精舍花龕歸老僧
閑雲隨錫杖落日低金繩
入夜翠微裏千峰明一燈
遠公龕

誰識往來意孤雲長自閒
風寒未渡水日落更看山
木落眾峰出龍宮蒼翠間
下山

伊水搖鏡光纖鱗如不隔
千龕道苑古一鳥沙上白
何事還山雲能留向城客
水西渡

從軍六首

回看虜騎合城下漢兵稀
白刃兩相向蒼雲愁不飛
手

卷六

望

襍五言

中無尺鐵徒欲突重圍

目極鴈門道青青邊艸春
一身事征戰匹馬同苦辛
末路成白首功歸天下人

草枯秋塞上望見漁陽郭
胡馬嘶一聲漢兵淚雙落
誰爲吮創者此事今人薄

逢雪宿芙蓉山主人

日暮蒼山遠天寒白屋貧
柴門聞犬吠風雪夜歸人
聽彈琴

泠泠七絲上靜聽松風寒
古調雖自愛今人多不彈
送張十八歸桐廬

歸人乘野艇帶月過江村正落寒潮水相隨夜到門
右拾遺河東耿漳字洪源

拜新月

開簾見新月卽便下階拜細語人不聞北風吹裙帶
中書舍人南陽韓翃字君平

漢宮曲

駿馬繡障泥紅塵撲四蹄歸時何太晚月照杏花西
繡幙珊瑚鉤春開翡翠樓深情不肖道嬌倚鈿箜篌
河南劉方平

採蓮曲

卷六

望

襍五言

落日晴江裏荊歌豔楚腰采蓮從小慣十五卽乘潮
尙書考功郎中吳興錢起字仲文

送楊著作歸東海

楊柳出關色東行千里期酒酣暫輕別路遠始相思欲
識離心盡斜陽到海時

酬劉起居臥病見寄

承顏看彩服不覺別丹墀味道能忘病過庭更學詩繚
垣多畫戟遠岫入書帷竹靜攜琴處林香讓果時聲同
叨眷早交澹在年衰更在兼金贈難爲繼組記

東臯早春寄郎四校書

祿微賴學稼歲起歸衡茅窮達戀明主耕桑亦近郊夜
來霽山雪陽氣動林梢蘭蕙煖初吐春鳩鳴欲巢蓬萊
時入夢知子憶貧交

禮部尚書姑臧李益字君虞

合源溪期張繼不至

霜露肅時序緬然方獨尋暗溪遲仙侶寒澗聞松禽寂
懸茲夜永清明秋序深微波澹澄夕煙景含虛林素志
久淪否幽懷方自吟

河中判官檢校戶部郎中蒲盧綸字允言

同吉中孚夢桃源

卷六

聖

禠五言

春雨夜不散夢中山亦陰雲中碧潭水路暗紅花林花
水自深淺無人知古今

訓李叔度秋夜喜相遇因傷關東寮友喪逝見贈

寒月照秋城秋風泉澗鳴過時見蘭蕙獨夜感衰榮酒
散同移疾心悲似遠行以愚求作友何德敢稱兄谷變
波長急松枯藥未成恐看新鬢色恹問故人名野澤雲
陰散荒原日氣生羈飛本難定非是惡弭驚

天長久詞

辭輦復當熊傾心奉六宮君王若看貌甘在眾妃中

和張僕射塞下曲

鷺翎金僕姑燕尾繡螭弧獨立揚新令千營共一呼
月黑鴈飛高單于夜遁逃欲將輕騎逐大雪滿弓刀
杭州司馬趙郡李端字正己

從軍行

二十在邊城軍中得勇名卷旗收賊馬占磧擁殘兵覆
陣烏鳶起燒山艸木明塞閑思遠獵師老厭分營雪嶺
無人迹冰河足雁聲李陵甘此沒惆悵漢公卿

澤州刺史東平呂牧

涇渭揚清濁

涇渭橫秦野逶迤近帝城二渠通作潤萬戶映俱清明

卷六

器

雜五言

晦看殊色潺湲聽一聲岸虛深草掩波動曉煙輕御獵
思投釣漁歌好濯纓合流知禹力同共到滄瀛

蘇州刺史長安韋應物

寄皎然上人

吳興老釋子野雪蓋精廬詩名徒自振道心長晏如想
茲棲禪夜見月東峰初鳴鐘警巖壑焚香滿空虛叨慕
端成舊未識豈爲疎願以碧雲思方君怨別餘茂苑文
華地流水古僧居何當一游詠倚閣吟躊躇

夜寄邱二十二員外

懷君屬秋夜散步咏涼天山空松子落幽人應未眠

贈司空同平章事淮南節度謚忠懿趙郡李吉甫
字弘憲

癸巳歲吉甫園丘攝事合於中書後閣宿齋常負忝媿
移止於集賢院會門下相公以七言垂寄亦有所酬
短章絕韻不足抒意因敘所懷奉寄相公兼呈集賢
院諸學士

淮海同三入樞衡過六年廟齋兢永夕書府會羣仙粉
壁連霜曙冰池對月圓歲時憂裏換鐘漏靜中傳蓬髮
顏空老松心契獨余贈言因傳說垂訓在三篇

贈左僕射同平章事山南西道節度使謚文略陽

卷六

巽

襍五言

權德輿字載之

奉和李相公早朝於中書候傳點偶書所懷奉呈門下
相公中書相公

五更鐘漏歇千門扇鑰開紫宸殘月下蒼道曉光來辨
色趨中禁分班列上台祥煙初繚繞威鳳正裴回斧藻
歸全德輪轅適眾材化成風偃艸道和鼎調梅渥命隨
三接皇恩賜九垓嘉言造剏去喜氣沃心迴東閣延多
士南山賦有臺陽春那敢和空此詠康哉

贈司徒門下侍郎平章事謚忠愍緱氏武元衡字

伯蒼

奉酬中書李相公於中書候傳點偶書所懷

寒落曙鐘斷微明煙月沈翠霞仙仗合清漏掖垣深北
極星遙拱南山闕迴臨蘭釭竟曉斂琪樹欲秋陰霄漢
慙聯步貂蟬愧並簪德容溫比玉王度式如金魚水千
年運簫韶九奏音代天驚度日擲地喜開襟文武時方
秦唐虞道可尋忝陪申及甫清淨奉堯心

旬假南亭寄熊郎中

旬休屏戎事涼雨北窗眠江城一夜雨萬里繞山川草
木散幽氣池塘鳴早蟬妍芳落春後旅思生秋前紅樅
粲庭豔絲蒲繡渚煙行歌獨謠酌坐發朱絲絃哀玉不
可扣萃觴徒湛然聞君樂林臥郡閣曠周旋酬對龍象
侶灌注清泠泉如何無礙智猶苦病纏牽

和楊宏微春日曲江南望

遲景靄悠悠傷春南陌頭暄風一澹蕩遐思幾殷憂龍
去空仙沼鸞飛掩技樓芳菲餘雨露冠蓋舊公侯朱戟
千門閉黃鸝百轉愁烟濛宮樹晚花咽石泉流寒谷律
潛應中林蘭白幽商山將避漢晉室正藩周黍稷聞興
歎瓊瑤畏見投君心卽吾事微尙在滄洲

河中少尹河中楊巨源字景山

聖壽無疆詞

卷六

哭

襍五言

雲陞臨黃道天門在碧虛大明含睿藻元氣抱宸居戈
偃征苗後詩傳宴鑄初年華富仙苑時哲滿公車化入
網繼大恩垂渙汗餘悠然萬方靜風俗揖華胥

玉漏飄青瑣金鋪麗紫宸雲山九門曙天地一家春瑞
靄方呈賞暄風本配仁巖廊開鳳翼水殿壓鼉身文雅
逢明代歡娛及賤臣年年未央闕恩共物華新

柳州刺史河東柳宗元字子厚

南欄中題

秋氣集南澗獨游亭午時迴風一蕭瑟林影久參差始
至若有得稍深遂忘疲羈禽響幽谷寒藻舞淪漪去國

卷六

七

雜五言

魂已遠懷人淚空垂孤生易爲感失路少所宜索寞竟
何事徘徊祇自知誰爲後來者當與此心期

酬韶州裴曹長使君寄道州呂八大使因以見示廿韻

一首 并序

韶州幸以詩見及往復奇麗邈不可慕用韻尤爲高
絕余因拾其餘韻酬焉凡爲韶州所用者置不取其
聲律言數如之

金馬嘗齊入銅魚亦共頌巖山看積翠澗水想澄灣標
榜同驚俗清明兩照姦乘軺參孔僅按節服侯獬賈傳
辭寧切虞章髮未鬢秉心方的騰口任嘖嘖聖理高

懸象爰書降罰，綬德風流海外，和氣滿人寰。禦魅恩猶
貸，思賢淚自潛。存亡均寂寞，零落間惇鰥。夙志隨憂盡，
殘肌觸瘴癘。月光搖淺瀨，風韻碎枯菅。海俗衣猶卉，山
夷髻不鬢。泥沙潛蝕蠹，榛莽鬪豺獾。循省誠知懼，安排
只自憫。食貧甘莽鹵，被褐謝爛熳。遠物裁青芻，時珍饌
白鵬。長捐楚客佩，未賜大夫環。異政徒云仰，高蹤不可
攀。空勞慰憔悴，妍唱劇妖嬈。

同劉二十八院長述舊言懷感時書事奉寄澧州張員
外使君五十二韻之作因其韻增至八十通贈二君
子

卷六

哭

雜五言

弱歲游玄圃，先容幸棄瑕。名勞長者記，文許後生誇。鸚
翼嘗披隼，蓬心類倚麻。繼酬天祿署，俱尉甸侯家。憲府
初收迹，丹墀共拜嘉。分行參瑞獸，點亂宮鴉。執簡寧
循枉，持書每去邪。鸞凰標魏闕，熊武負崇牙。辨色宜相
顧，傾心自不諱。金鑪仄流月，紫殿啟晨赧。未竟遷喬樂，
俄成失路嗟。還如渡遼水，更似謫長沙。別怨秦城暮，途
窮越嶺斜。訟庭閒枳棘，候吏逐塵塵。三載皇恩暢，千年
聖麻遐。朝宗延駕海，師役罷梁涯。京邑接貞幹，南宮步
渥洼。世惟材是梓，人仰驥中驎。中驎歛刺苗，人地仍逾顛。石
崖禮容垂，琕琕戍備響。鉅鍛寵卽郎，官舊威從太守加。

建旗翻鷲鳥負弩繞文蛇冊府榮八命中闡盛六珈百
隨胡質矯方惡馬融奢襄德符新換懷仁道併遮俗嫌
龍節晚朝訝介圭賒禹貢輸苞匭周官賦秉秬雄風吞
七澤異產控三巴卽事觀農稼因時展物華秋原被蘭
葉春渚漲桃花令肅軍無擾程懸市禁貫不應虞竭澤
寧復歎棲苴蹠躩先駕籠銅鼓報衙染毫東國素濡
印錦溪砂貨積舟難泊人歸山倍畚吳歛工折柳楚舞
舊傳芭隱几松爲曲傾罇石伴汗寒初榮橘柚夏首薦
枇杷祀變荆巫禱風移魯婦壘已聞施愷悌還覩正奇
衰慕友慚連璧言姻喜附葭沉埋全死地流落半生涯

卷六

巽

襍五言

入郡腰恆折逢人手盡又敢辭親恥污唯恐長疵痕善
幻迷冰火齊諧笑柏塗東門牛屢飯中散蝨空爬逸戲
看猿鬪殊音辨馬櫛渚行狐作孽林宿鳥爲嗟同病憂
能老新聲厲似姘豈知千仞墜祇爲一毫差守道甘長
絕明心欲自剄貯愁聽夜雨隔淚數殘葩梟俗音常聒
豺羣喙競呀岸蘆翻毒蜚蝥竹鬪狂摩野鷺行看弋江
魚或共叔障氛恆積潤訛火亟生煨耳靜煩喧蟻魂驚
恹怒蛙風枝散陳葉霜蔓緼寒瓜霧密前山桂冰枯曲
沼遺思鄉比莊鳥遯世遇畦夸漁舍茨荒艸村橋臥古
槎御寒衾用蜀挹水勺仍椰窗蠹惟潛蝸蕘涎競綴蝸

引泉開故竇護藥插新筓樹怪花因榭蟲憐目待蝦騾
歌喉易嘎饒醉鼻成黷曳捶牽羸馬垂裳牧艾豨已看
能類鼈猶訝雉爲鶉誰采中原菽徒巾下澤車俚兒供
苦筍僮父饋酸榼勸策扶危杖邀持當酒茶道流微裋
褐禪客會袈娑香飯春菰米珍蔬折五茄方期飲甘露
更欲吸流霞屋鼠從穿穴林狙任攫拏春衫裁白苧朝
帽挂烏紗屢歎恢恢網頻謠肅肅冢衰榮因萸莢盈缺
幾蝦蟆路識溝邊柳城聞隴上笳共思捐佩處千騎擁
青綱

贈禮部尚書吏部侍郎謚文南陽韓愈字退之

卷六

五

襍五言

石鼎聯句

有序

元和七年十二月四日衡山道士軒轅彌明自衡下
來舊與劉師服進士衡湘中相識將過太白知師服
在京夜抵其居宿有校書郎侯喜新有能詩聲夜與
劉說詩彌明在其側兒極醜白須黑面長頸而高結
喉中又作楚語喜視之若無人彌明忽軒衣張眉指
爐中石鼎謂喜曰子云能詩能與我賦此乎劉往見
衡湘間人說云年九十餘矣解捕逐鬼物拘囚螭蛟
虎豹不知其實能否也見其老頗兒敬之不知其有
文也聞此說大喜卽援筆題其首兩句次傳於喜喜

踴躍卽綴其下云云道士啞然笑曰子詩如是而已乎卽袖手聳肩倚北牆坐謂劉曰吾不解世俗書子爲我書因高吟曰龍頭縮菌蠢豕腹漲彭烹初不似經意詩旨有似譏喜二子相顧慙駭欲以多窮之卽又爲傳之喜喜思益苦務欲壓道士再營度欲出口吻聲鳴益悲操筆欲書將下復止竟亦不能奇也畢卽傳道士道士高踞大唱曰劉把筆吾詩云云其不用意而功益奇不可附說語皆侵劉侯喜益忌之劉與侯皆已賦十餘韻彌明應之如響皆脫穎含譏諷夜盡三更二子思竭不能續因起謝曰尊師非世人

卷六

至

襍五言

也某伏矣願爲弟子不敢更論詩道士奮曰不然章不可不成也又謂劉曰把筆來吾與汝就之卽又唱出四十字爲八句書訖使讀讀畢謂二子曰章不已就乎二子齊應曰就矣道士曰此皆不足語此寔爲文耶吾就子所能而作耳非吾之所學於師而能者也吾所能者子皆不足以聞也獨文乎哉吾語亦不當聞也吾閉口矣二子大懼皆起立牀下拜曰不敢他有問也願聞一言而已先生稱吾不解人間書敢問解何書請聞此而已道士寂然若無聞也累問不應二子不自得卽退就坐道士倚牆睡鼻息如雷鳴

二子怛然失色不敢喘斯須曙鼓鼙二子亦困遂
坐睡及覺日已上驚顧覓道士不見卽問童奴奴曰
天且明道士起出門若將便旋然奴怪久不返卽出
到門覓無有也二子驚惋自責若有失者間遂詣余
言余不能識其何道士也嘗聞有隱君子彌明豈其
人耶韓愈序

巧匠斲山骨剗中事煎烹直柄未當權塞口且吞聲龍
頭縮菌蠢豕腹漲彭烹外苞乾蘚文中有暗浪驚在冷
足自安遭焚意彌貞謬當鼎鼐間安使水火爭大似烈
士膽圓如戰馬纓上比香爐尖下與鏡面平秋瓜未落

卷六

五

雜五言

蒂凍芋強抽萌大塊元氣閉細泉幽竇傾不值輸寫處
焉知懷抱清方當洪鑪然益見小器盈皖皖無刃迹團
團類天成遙疑龜負圖出曝曉正晴苑有雙耳穿上有
孤髻撐或訝短尾銚又似無足鎗可惜寒食毬擲此路
旁坑何當出灰炮無計離瓶罌陋質荷斟酌狹中愧提
擎豈能煮仙藥但未污羊羹形模婦女笑度量兒童輕
徒示堅重性不過升合盛俯似廢轂仰側見折軸橫時
於虵蚓竅微作蒼蠅鳴以茲翻溢愆實負任使誠常屈
顧盼地敢有漏泄情寧依煖熱弊不與寒涼并區區徒
自效瑣瑣不足呈回旋但兀兀開合惟鏗鏗全勝瑚璉

貴空有口傳名豈比俎豆古不爲手所揜磨礪去圭角
浸潤著光精願君莫嘲誚此物方施行

詠雪贈張籍

只見縱橫落甯知遠近來飄飄還自弄歷亂竟誰催坐
煖銷那怪池清失可猜坳中初蓋底垤處遂成堆慢有
先居後輕多去卻回度前鋪瓦隴發本積牆隈穿細時
雙透乘危忽半摧舞深逢坎井集早值層臺砧練終宜
擣階紙未暇裁城寒裝睥睨樹凍裏莓苔片片勻如剪
紛紛碎若按定非燭鵠鷺真是肩瓊瑰緯繡觀朝萼冥
茫矚晚埃當窗恒凜凜出戶卽皚皚壓野榮芝菌傾都

卷六

又五

襍五言

委貨財娥嬉華蕩漾胥怒浪崔嵬磧迴疑浮地雲平想
輾雷隨車翻縞帶逐馬散銀栢萬屋漫汗合千株照曜
開松篁遭挫抑糞壤獲饒培隔絕門庭遽擠排陞級纔
豈堪裨嶽鎮強欲效鹽梅隱匿瑕疵盡包羅委瑣該誤
雞宵呢嚀驚雀暗裴回浩浩過三暮悠悠弔九垓鯨鯢
陸死骨玉石火炎灰厚慮填溟壑高愁撒斗魁日輪埋
欲側坤軸壓將積岸類長蛇攪陵猶巨象厓水官夸傑
黠木氣怯胚胎著地無由卷連天不易摧龍魚冷蟄苦
虎豹餓號哀巧借奢華便專繩困約災威貪陵布被先
肯離金罍賞翫捐他事歌謠放我才狂教詩碑硯興與

酒陪鯁惟子能語耳諸人得語哉助留風作黨勸坐火
爲媒雕刻文刀利搜求智網恢莫煩相屬和傳示及提
孩

和侯協律詠筍

竹亭人不到新筍滿前軒乍出真堪賞初多未覺煩成
行齊婢僕環立比兒孫驗長常攜尺愁乾屢側盆對吟
忘膳飲偶坐變朝昏滯雨膏腴濕驕陽氣候溫得時方
張王挾勢欲騰騫見角牛羊沒看皮虎豹存攢生猶有
隙散布忽無痕詎可持籌算誰能以理言縱橫公占地
羅列暗連根狂劇時穿壁橫強幾觸藩深潛如避逐遠
去莫追奔始訝妨人路還驚入藥園萌芽妨寢大覆載
若偏恩已復侵危砌非徒出短垣身寧虞瓦礫計擬揜
蘭蓀且歎高無數庸知上幾番短長終不校先後竟誰
論外恨苞藏密中仍節目繁暫須迴步履要取助盤飧
穰穰疑翻地森森竟塞門戈矛頭戢戢蛇虺首掀掀婦
孺咨料揀兒癡謁盡髡侯生來慰我詩句讀驚魂屬和
才將竭呻吟至日噉

晉州司戶參軍范陽賈島字閬仙

題劉華書齋

白石牀無塵青松樹有鱗一鶯啼帶雨兩樹合從春荒

榭苔膠砌幽叢果墮榛偶來疎或數當暑夕勝晨露滴
星河水巢重草木薪終南同往意趙北獨遊身渡葉司
天漏驚蛩遠地人機清公幹疾也莫卧漳濱

興元參謀漂陽尉武康孟郊字東野

汝州南潭陪陸中丞公讌

一雨百泉漲南潭夜來深分明碧沙底寫出青天心遠
客洞庭至因茲滌煩襟既登飛雲舫願奏清風琴高岸
立旗戟潛蛟互浮沈威稜護斯浸罔兩逃所侵山態變
初霽水聲流新音耳目極眺聽潺湲與嶽岑誰言柳太
守空有白蘋吟

卷六

校書郎獨孤申叔字子重

垂

襟五言

終南精舍月中聞磬

精廬殘夜景天宇滅埃氛幽磬此時擊餘音幾處聞隨
風樹杪去支策月中分斷絕如殘漏淒清不隔雲羈人
方罷夢獨鴈忽迷羣響盡河漢落千山空糾紛

張碧字太碧

幽思

金鑪煙靄微銀缸殘影滅出戶獨褰回落花滿明月

雍裕之

江邊柳

娟娟古隄邊青青一樹烟若爲絲不斷留取繫郎船

協律郎隴西李賀字長吉

惱公

宋玉愁空斷嬌饒粉白紅歌聲春草路門掩桂花叢注
口櫻桃小添眉桂葉濃曉匳妝秀靨夜帳減香筒鈿鏡
飛孤鵲江圖畫水洪陂陀梳碧鳳驟裏帶金蟲杜若含
清露河蒲聚紫茸月分蛾黛破花合頰朱融髮重疑盤
霧腰輕乍倚風密書題荳蔻隱語笑芙蓉莫瑣菜萸匣
休開翡翠籠弄珠驚漢燕燒蜜引胡蜂醉纈拋紅網單
羅挂絲蒙數錢教姪女買藥問巴賁勻臉安斜雁移燈

卷六

五

襍五言

想夢熊腸攢非束竹肱急是張弓晚樹迷新蝶殘蛩憶
斷虹古時填渤澥今日鑿崆峒繡杏褰長幔羅裙結短
封心搖如舞鶴骨出似飛龍井檻淋清漆門鋪綴白銅
隈花開兔徑向壁印狐蹤玳瑁釘簾薄琉璃疊扇烘象
牀緣素柏瑤席卷香蔥細管吟朝幌芳醪落夜楓宜男
生楚巷梔子發金墉龜甲開屏豔鵝毛滲墨醲黃庭留
衛瓘綠樹養韓馮雞唱星懸柳鷓啼露滴桐黃娥初出
座寵妹始相從蠟淚垂蘭燼秋蕪埽綺藁吹笙翻舊引
沽酒待新豐短珮愁填粟長弦怨削菘曲池眠乳鴨小
閣睡娃僮褥縫蓼雙綫鉤緙辦五總蜀煙飛重錦峽雨

濺輕容拂鏡羞溫嶠薰衣避賈充魚生玉藕下人在石
蓮中含水彎蛾翠登樓選馬髮使君居曲陌園令住臨
邛桂火流蘇暖金爐細炷通春遲王子態鶯囀謝娘慵
玉漏三星曙銅街五馬逢犀株防膽怯銀液鎮心忪跳
脫看年命琵琶道吉凶王時應七夕夫位在三宮無力
塗雲母多方帶藥翁符因青鳥送囊用絳紗縫漢苑尋
官柳河橋閣禁鐘月明中婦覺應笑畫堂空

馬詩二十三首

臘月草根甜天街雪似鹽未知口硬軟先擬蒺藜銜
此馬非凡馬房星本是精向前敲瘳骨猶自帶銅聲

卷六

五

襍五言

大漠沙如雪燕山月似鉤何當金絡腦快走踏清秋
赤兔無人用當須呂布騎吾聞果下馬羈策任蠻兒
批竹初攢耳桃花未上身他時須攪陣牽去借將軍
唐劔斬隋公拳毛屬太宗莫嫌金甲重且去捉旋風
蕭寺馱經馬元從竺國來空知有善相不解走章臺
汗血到王家隨鸞撼玉珂少君騎海上人見是青羸
同平章事武昌軍節度使河內元稹字微之

酬翰林白學士代書一百韻

并序

元元氏之下元日會予家居信至枉樂天代書詩一
百韻鴻洞卓犖令人興起心情且置別書美予前和

七章章次用本韻韻同意殊謂爲工巧前古韻耳不足難之今復次排百韻以荅懷思之貺云

昔歲俱充賦同年遇有司
八人稱迥援兩郡濫相知
逸驥初翻步羈鷹暫脫羈
遠途憂地窄高視覺天卑
竝入紅蘭署偏親白玉規
近朱憐冉冉伐木願偲魚
魯非難識鉛黃自嬾持
心輕馬融帳謀奪子房帷
秀發幽巖電清澄隘岸
陂九霄排直上萬里整
前期勇贈棲鸞句慙當古
井詩多聞全受益擇善頗
相師脫俗殊常調潛工大有
爲還醕憑酎酒運智託圍棋
情會招車肩間行覓戴逵
僧餐月燈閣醪宴劫灰池
勝槩爭先到篇章競

卷六

五

襍五言

出奇輸贏論破的點竄冑容絲
山岫當街翠牆花拂面
枝鶯聲愛嬌小燕翼翫透迤
轡爲逢車緩鞭緣趁伴施
密攜長上樂偷宿靜坊姬
僻性慵朝起新晴助晚嬉
相歡常滿目別處鮮開眉
翰墨題名盡光陰聽話移綠袍
因醉典烏帽逆風遺暗插
輕籌箸仍提小屈卮
本絃纔一舉下口已三遲
逃席衝門出歸倡借馬騎
狂歌繁節亂醉舞半衫垂
散漫紛長薄邀遮守隘岐
幾遭朝士笑兼任巷童隨
苟務形骸達渾將性命推
何曾愛官序不省計家資
忽悟成虛擲翻然歎未宜
使回耽樂事堅赴策賢時
寢食都忘倦園廬遂絕闕
勞神甘感感攻短過

孜孜業怯穿楊箭囊藏透穎錐超搖望雲雨擺落占泉
坻略削荒涼苑搜求激直詞那能作牛後更擬助鴻基
唱第聽雞集趨朝忘馬疲內人昇御案朝景麗神旗首
被呼名姓多慙冠等差千官容眷盼五色照離披鶴侶
從茲洽鷗情轉自縻分張殊品命中外卻驅馳出入稱
金籍東西侍碧墀鬪班雲洶涌開扇雉參差切愧尋常
質親瞻咫尺姿日輪光照曜龍服瑞葳蕤誓欲通愚蹇
生憎效喔咿佞存真妾婦諫死是男兒便殿承偏召權
臣懼撓私廟堂雖稷契城社有狐狸似錦言應巧如弦
數易欺敢嗟身暫黜所恨政無毗謬辱良由此昇騰亦

卷六

五

雜五言

在斯再令陪憲禁依舊履阨危使蜀常縣遠分臺更嶮
巖匿姦勞發掘破黨惡持疑斧刃迎皆碎盤牙老未萎
乍能還帝笏詎忍折吾支虎尾原來險圭文却類疵浮
榮齊壤芥閒氣詠江籬闕下殷勤拜樽前笑傲辭飄沉
委蓬梗忠信敵蠻夷戲謂青雲驛譏題皓髮祠貪過谷
隱寺留讀峴山碑草沒章臺阨隄橫楚澤湄野蓮侵稻
隴亞柳壓城陴遇物傷凋換登樓思滂瀾金攢嫩橙子
鑿泛遠鷓鴣仰竹藤纏屋苦茆荻補籬麪梨通蒂朽火
米帶芒炊葦筍鍼筒束鰻魚箭羽髻芋羹真底可鱸膾
漫勞思北渚銷魂望南風著骨吹度梅衣色漬食稗馬

蹶羸院榷和泥鹼官酤小麴醱訛音煩繳繞輕俗醜戚
儀樹罕貞心柏畦豐衛足葵坳窪饒馵矮游惰壓庸緇
病賽烏稱鬼巫占瓦代龜連陰毒張王瘡瘡雪治醫我
正窮於是君寤念及茲一篇從日下雙鯉送天涯坐捧
迷前席行吟忘結綦匡牀鋪錯繡几案踊靈芝形影同
初合參商喻此離扇因秋棄置鏡異月盈虧壯志誠難
奪良辰豈復追甯牛終夜永潘鬢去年衰溟渤深那測
穹蒼意在誰馭方輕驪裹車肩重辛夷臥轍希濡沫低
顏受頤頤世情焉足怪自省固堪悲溷鼠虛求潔籠禽
方訝飢猶勝憶黃犬幸得早圖之

卷六

五

襍五言

哭女樊四十韻

逝者何由見中人未達情馬無生角望猿有斷腸鳴去
伴投遐傲來隨夢險程四年巴養育萬里硤回縈病是
他鄉染魂應遠處驚山魍邪亂逼沙蝨毒潛攫母約看
靈辨余慵療不精欲尋方次第俄值疾充盈燈火徒相
守香花只浪擎蓮初開月梵薜已落朝榮魄散雲將盡
形全玉尚瑩空垂兩行血深送一枝瓊祕祝休巫覡安
眠放使令舊衣和篋施殘藥滿甌傾乳媪閒於社醫僧
媿似醒憫渠身覺臙訝佛力難爭騎竹癡猶子牽車小
外甥等長迷過影遙戲誤啼聲澆紙傷餘畫扶牀念試

行獨留呵面鏡誰弄倚牆箏憶昨工言語憐初妙長成
撩風妒鸚舌凌露觸蘭英翠鳳昇眞女紅葉捧化生祇
憂嫌五濁終恐向三清宿惡諸輩味懸知眾物名環從
枯樹得經認寶函盛愠怒偏憎數分張雅愛平最饒貪
栗奸頑救嬾書兄爲占嬌姚分良多眷戀誠別常回面
泣歸定出門迎解怪還家晚長將遠信呈說人偷罪過
要我抱縱橫騰跼遊江舫攀緣看樂棚和蠻歌字拗學
妓舞腰輕迢遶離荒服提攜到近京未容誇伎倆唯恨
枉聰明往緒心千結新絲鬢百莖暗窗風報曉秋幌雨
聞更敗槿蕭疎館衰楊破壞城此中臨老淚仍自哭孩

嬰

卷六

五九

襍五言

送崔侍御之嶺南二十韻

并序

古朋友別皆贈以言況南方物候飲食與北土異其
甚者吏民喜聚蠱祕方云以含銀變黑爲駭攻之重
雄黃海物多肥腥啖之好嘔泄驗方云備之在鹹食
嶺外饒野菌視之蟲蠹者無毒羅浮生異果察其鳥
啄者可餐大抵珠璣璵珉之所聚貴潔廉溼鬱暑濕
之所蒸滲溢慾其餘道途所慎離愴之懷盡之二百
言矣敘不復云

漢法戎施幙秦官郡置監蕭何歸舊印鮑永授新銜幣

聘雖盈篋泥章未破緘蛛懸絲繚繞鵲報語訖再礪
神羊角重開憲簡函輦纓馳赴赴綉佩繡繆逸翩憐
鴻翥離心覺刃劔聯游虧片玉洞照失明鑒遙想車登
嶺那無淚滿衫茅蒸連蟒氣衣漬度梅賦象門緣谿竹
猿鳴帶雨杉颺風狂浩浩英石峻嘯嘯宿泊宜深浦祈
灌任至誠瘴江乘早度毒草莫親芟試蠱看銀黑排腥
貴食鹹菌須蟲已蠹菓重鳥先鵠冰瑩懷貪水霜清頭
痛巖珠璣當盡擲蕙苴詎能譏荆俗欺王粲吾生問季
咸遠書多不達勤爲枉撒撒

江邊四十韻

官爲修宅卒然有困招李六侍御

卷六

卒

襍五言

官借江邊宅天生地勢拗敬危饒壞構迢遞接長郊怪
鵬頻棲息跳蛙頗混殺總無籬繳繞尤怕虎咆哮停潦
魚招獺空倉鼠敵貓土虛頻穴蟻柱朽畏藏蛟蛇虺吞
簷雀豺狼逐野庶犬驚狂浩浩雞亂響嚶嚶溼落貧甘
守荒涼葳盡拋斷簾飛熠燿當戶网蠨蛸曲突翻成沼
行廊卻代庖橋橫老顛桺馬病浥芻茭一一牀頭點連
連砌下泡辱泥疑在絳避雨想經峭相顧憂爲鼈誰能
復繫匏誓心來利往卜食過安爰何計逃昏墊移文報
舊交棟梁存伐木苦蓋愧分茅金瑄排黃荻琅玕嫻翠
梢花磚水面鬪鴛瓦玉聲敲方礎荆山採修椽郢匠鉋

隱椎雷震蟄破竹箭鳴散正寢初停午頻眠欲轉胞困
圓收薄祿廚做備嘉肴各各人甯宇雙雙燕賀巢高門
愛車轍華廐稱蒲捐尺寸皆隨用毫釐敢浪拋篋餘籠
白鶴枝賸架青鷄製榻容筐篚施關拒斗筲欄杆防汲
井密室待持醪庭草傭工薙園蔬稚子培本圖閒種植
那要擇肥磽綠柚勤勤數紅榴箇箇抄池清漉蟹蟹瓜
蠹拾蠟蟲曬篆看沙鳥磨刀綻海鮫羅灰修藥竈築堞
闕弓朔散誕都由習童蒙剩嬾教最便陶靜飲還作解
愁嘲近浦聞歸楫遙城罷曉鏡王孫如有問須爲併揮
鞘

卷六

空

禠五言

開元觀閒居酬吳士矩侍御三十韻十八時作

靜習狂心盡幽居道氣添神編啓黃簡祕錄捧朱籤爛
熳煙霞駐優游歲序淹登壇擁旄節趨殿禮胡髯醮起
彤庭燭香開白玉匳結盟金釵重斬魅寶刀銛禹步星
罡動焚符竈鬼詹冥按呼直使章奏役飛廉仙籍聊憑
檢浮名復爲占赤誠祈皓鶴綠髮代青縑虛室常懷素
玄關屢引恬貂蟬徒自寵鷗鷺不相嫌始悟身爲幻唯
欣祿未沾龜龍戀淮海雞犬傍閭閻松粒新偏翠山峰
遠更尖簫聲吟茂竹虹影透虛簷初日先通牖輕颺每
透簾露盤朝滴滴鉤月夜纖纖已得餐霞味應嗤食葦

甜工琴閒度晝耽酒醉銷炎几案隨宜設詩書逐便拈
灌園多抱甕刈藿乍腰鎌野鳥終難繫鷓鴣本易厭風
高雲遠逝波駭鯉深潛邸第過從隔蓬壺夢寐瞻所希
顏頗練誰恨突無黔思拙慙圭璧詞煩襍米鹽論雖言
大小求藥意何謙語默君休問行藏我詎兼狂歌終此
曲情盡口長筭

酬樂天東南行詩一百韻

并序

元和十年三月二十五日子司馬通州二十九日與
樂天於鄆東蒲池村別各賦一絕到通州後予又寄
一篇尋而樂天賦予八首予時瘡病將死一見外不

卷六

李

雜五言

復記憶十三年予以赦當遷簡省書籍得是八篇吟
歎方極適崔果州使至爲予致樂天去年十二月二
日書書中寄予百韻至兩韻凡二十四章屬李景信
校書自忠州訪予連牀遞飲之間悲咤使酒不三兩
日盡和去年已來三十二章皆畢李生視草而去四
月十三日子手寫爲上下卷仍依次重用本韻亦不
知何時得見樂天因人或寄去通之人莫可與言詩
者唯妻淑在旁知狀

我病方吟越君行已過湖去應緣直道交不爲窮途亞
竹寒驚牖空堂夜向隅暗魂思背燭危夢怯乘桴坐痛

筋骸憊旁嗟物候殊雨蒸蟲沸渭浪涌怪睚盱索綆飄
蟲蚋蓬麻蝨舳艫短簷苦稻草微俸封漁租泥浦喧撈
蛤荒郊險門龜鯨吞近溟漲猿鬧接黔巫芒屨泗牛婦
了頭蕩漿夫醉醅荷裏賣醪酒水淋沽舞態翻鸚鵡歌
詞咽鷓鴣夷音啼似笑蠻語謎相呼江郭船添店山城
木豎郭吹聲沙市犬爭食墓林烏獷俗誠堪憚妖神甚
可虞欲令仁漸及已被瘡潛圖膳減思調鼎行稀恐蠹
樞雜蓴多剖鱔和黍半蒸菰綠粳新菱實金丸小木奴
芋羹真慙淡齏炙漫塗蘇魚鼈那勝荈烹鮓只似鱸楚
風輕似蜀巴地濕如吳氣濁星難見州斜日易晡通宵
但雲霧未西卽桑榆瘴窟蛇休蟄炎溪暑不徂俚魂陰
叫嘯鵬貌畫踟躕鄉里家藏蠱官曹世乏儒斂緡偷印
信傳箭作符繻椎髻拋巾幘鑊刀代轆轤當心鞞銅鼓
背弮射桑弧豈復民眈料須將鳥獸驅是非渾並漆詞
訟敢研朱陋室鴟窺伺衰形蟒覬覦鬢毛霜點合襟淚
血痕濡倍憶京華伴偏忘我爾軀謫居今共遠榮路昔
同趨科試銓衡局衙參典校廚月中分桂樹天上識昌
蒲應召逢鴻澤陪游值賜醑心唯撞衛磬耳不亂齊竽
海岱詞鋒截皇王筆陣毆疾奔陵騷裏高唱軋吳歛點
檢張儀舌提攜傅說圖擺囊看利穎開領出明珠並取

卷六

五

襍五言

十人特皆非十上徒白麻雲色賦墨詔電光麤眾口貪
歸美何顏敢姝姝秦臺納紅旭鄴匣洗黃墟諫獵靈規
避彈豪詎囁喘肺肝憎巧曲蹊徑絕紫迂誓遣朝綱振
忠饒翰苑輸驥調方汗血蠅點忽成盧遂謫栖皇掾還
飛送別孟痛嗟親愛隔顛望友朋扶狸病翻隨鼠聽羸
返作駒物情良徇俗時論太誣吾瓶罄壘偏恥松摧枯
自枯虎雖遭陷甯龍不怕泥塗重喜登賢苑方欣佐伍
符判身入矛戟輕敵比鏑銖驛騎來千里天書下九衢
因教罷飛檄便許到皇都舟敗罍浮漢驂疲杖過邗郵
亭一蕭索烽候各崎嶇餽人推輅誰何吏執爿拔家

卷六

齋

襍五言

逃力役連鑣責逋誅防戍兄兼弟收田婦與姑縑細工
女竭青紫使臣紆望國參雲樹歸家滿地蕪破窗塵埽
埽幽院鳥鳴鳴祖竹叢新筍孫枝壓舊梧晚花狂蛺蝶
殘蒂宿茱萸始悟摧林秀因銜避繳蘆文房長遣閉經
肆未曾鋪鵲鷺方求侶鴟鳶已嚇雛徵還何鄭重斥去
亦須臾迢遞投遐徼蒼黃出奧區通川誠有咎溢口定
無辜利器從頭匣剛腸到底剗薰蕕任盛貯稊稗莫超
踰公幹經時臥鍾儀幾歲拘光陰流似水蒸瘴熱如鑪
薄命知然也深交有矣夫救焚期骨肉投分刻肌膚二
妙馳軒陛三英詠袴襦李多嘲蠅蛭竇數集蜘蛛數子

皆奇貨唯予獨朽株
邯鄲笑匍匐燕薊受挪揄
懶學三閭憤甘齊
百里愚耽眠稀醒素憑
醉少嗟吁學問徒爲爾
書題盡已于別猶多夢
寐情尙感凋枯近喜司戎健
尋傷掌誥殂士元名位屈
伯道子孫無舊好飛瓊翰
新詩灌玉壺幾催閒處泣
終作苦中娛廉藺聲相讓
燕秦勢豈俱此篇應絕倒
休漫捋髭須

刑部尙書贈尙書右僕射謚文下邳白居易字樂

天

江州赴忠州至江陵已來舟中示舍弟五十韻

昔作咸秦客常思江海行
今來仍盡室此去始專城
典

卷六

全

雜五言

午猶爲幸分憂固是榮
筭篁州乘送艤牒驛船迎
共載偕妻子同游卽弟兄
寧辭浪迹遠且貴賞心并
雲展帆高挂颺馳權
迅征泝流從漢浦循路轉荆衡
山逐時移色江隨地改名
風光近東早水木向南清
夏口煙孤起湘川雨半晴
日煎紅浪沸月射白沙明
北渚寒留雁南枝煖待鶯
駢朱桃露萼點翠柳含萌
亥市魚鹽聚神林鼓笛鳴
壺漿椒葉氣歌曲竹枝聲
繫纜憐沙靜垂綸愛岸平
水滄紅粒稻野茹紫花菁
甌汎茶如乳臺黏酒似餚
膾長抽錦縷藕脆削瓊英
容易來千里斯須進一程
未曾勞氣力漸覺有心情
臥穩添春睡行遲帶酒醒
忽

愁牽世網便欲濯塵纓早接文場戰曾爭翰苑盟掉頭
稱俊造翹足取公卿且味隨時義徒輸報國誠眾排恩
易失偏壓勢先傾虎尾憂危切鴻毛性命輕燭蛾誰救
活蠶繭自纏縈斂手辭雙闕回眸望兩京長沙拋賈誼
漳浦臥劉楨鷓鴣鳴還歇蟾蜍破又盈年光同激箭鄉
思極搖旌潦倒親知笑衰羸舊識驚烏頭因感白魚尾
爲勞頽劒學將何用丹燒竟不成孤舟萍一葉雙鬢雪
千莖老見人情盡閒思物理精如湯探冷熱似博鬪輸
羸險路應須避迷途莫共爭此心知止足何物要經營
玉向泥中潔松經雪後貞無妨隱朝市不必謝寰瀛但

卷六

癸

雜五言

在前非悟期無後患嬰多知非景福少語是元亨晦卽
全身藥明爲伐性兵昏昏隨世俗蠢蠢學黎毗鳥以能
言構龜緣入夢烹知之一何晚猶足保餘生
贈賣松者

一束蒼黃色知從澗底來斲掘經幾日枝葉滿塵埃不
買非他意城中無地栽

琴

置琴曲几上慵坐但含情何煩故揮弄風絃自有聲

檢校禮部尙書贈戶部尙書彭城劉禹錫字夢得

海陽湖別浩初師

并引

瀟湘間無土山無濁水民乘是氣往往清慧而文長
沙人浩初生旣因地而清矣故去輩洗慮剔顛毛而
壞其衣居一都之殷易與士會得執外教盡捐苛禮
自公侯守相必賜其清聞耳目灌注習浮於性而里
中兒賢適與浩初比者嬰冠帶參妻子吏得以乘陵
之汨沒天慧不得自奮莫可望浩初之清光於侯門
上坐第自吟羨而已浩初益自多其術尤勇於近達
者而歸之往年之臨賀陪侍郎楊公巖餘公遣以七
言詩手筆於素前年省柳儀曹於龍城又爲賦三篇
皆章書今復來連山以前所得雙南金出於被亟請
余賡之按師爲詩頗清而弈棋至第三品二道皆足
以取幸於士大夫宜熏餘習以深入也蒼梧郡以山
水冠世海陽又以奇甲一州師慕道於泉石爲篤故
攜之以嬉及言旋復引與共載於湖上奔於樹石間
以植沃洲之因緣宜賦得具道其事

近郭看殊境獨游常鮮歡逢君駐緇錫觀貌稱林巒湖
滿景方霽野香春未闌愛泉移席近聞石輟棋看風上
松猶韻露繁花不乾橋形出樹曲巖影落池寒別路干
嶂裏詩情暮雲端他年買山處似此得隳官

貴人三閣上日晏未梳頭不應有恨事嬌甚卻成愁
荊州歌

渚宮楊柳暗麥城朝雉飛可憐踏青伴乘煖著輕衣
今日好南風商旅相催發沙頭檣杆上始見春江闊

同中書門下平章事太尉衛國公趙郡李德裕字文
饒

述夢詩四十韻

并序

去年七月溽暑之後驟降其夕五鼓未盡涼風淒然
始覺枕簟冷俄而假寐斯熟忽夢賦詩懷禁掖舊游
凡四十餘韻初覺尚憶其半經時悉已遺忘今屬歲

卷六

空

雜五言

杪無事羈懷多感因綴其所遺爲述夢詩以寄一二
僚友

賦命誠非薄良時幸已遭君當堯舜日官接鳳凰曹目
睇煙霄闊心驚羽翼高椅連鶴禁墀坳隔龍韜我后
憐詞客吾僚並雋髦著書同陸賈待詔比王褒重價聯
懸壁英詞淬寶刀泉流初落澗露滴更濡毫赤豹欣來
獻彤弓喜暫褻非煙含瑞氣馴雉潔霜毛靜室便幽獨
虛樓散鬱陶花光晨豔豔松韻晚騷騷畫壁看飛鶴仙
圖見巨鼇倚檐陰藥樹絡格蔓蒲萄荷靜蓬池鱸冰寒
郢水醪荔枝來自遠盧橘賜仍叨麝氣隨蘭澤霜華入

杏膏恩光惟覺重，攜挈未爲勞。夕闔梨園騎，宵聞禁仗
葵扇回交彩，翟鵬起颺銀。條轡待袁絲，攬書期蜀客。操
盡規常謩，謩退食尙忉忉。龜顧垂金鈕，鸞飛曳錦袍。御
溝楊柳弱，天殿驪駒豪。屢換青春直，閒隨上苑遨。烟低
行殿竹，風坼繞牆桃。聚散俄成昔，悲愁益自熬。每懷仙
駕遠，更望茂陵號。地接三茅嶺，川迎伍子濤。花迷瓜步
暗，石固蒜山牢。蘭野凝香管，梅洲動翠篙。泉魚驚綵妓，
溪鳥避干旄。感舊心猶絕，思歸首更搔。無聊然蜜炬，誰
復勸金舸。嵐氣朝生棟，城陰夜入濠。望煙歸海嶠，送雁
渡江皋。宛馬嘶寒慄，吳鉤在錦韜。未能追狡兔，空覺長
黃蒿。水國逾千里，風帆過萬艘。闔川終古恨，惟見暮滔
滔。

祕書監硤石姚合

送楊尙書祭西嶽

報功嚴祀典，寵詔下明庭。酒氣飄林嶺，香烟入杳冥。樂
清三奏備，辭直百神聽。衣拂雲霞溼，詩通水石靈。因
逐騶騎暫，得到巖扃。

渭南尉山陽趙嘏字承祐

寒塘

曉髮梳臨水，寒塘坐見秋。鄉心正無限，一雁度南樓。

洪州施肩吾字希聖

雜古詞

郎爲匕上香妾作籠下灰歸時卽煖熱去罷生塵埃

太子中允聞喜裴誠

南歌子詞

不是廚中弗爭知炙裏心井邊銀釧落宛轉恨還深
不信長相憶擡頭問取天風吹荷葉動無夜不遙憐
斡蠟爲紅燭情知不自由細絲斜結網爭奈眼相鉤

清河張祜字承吉

宮詞

卷六

卅

雜五言

故園三千里深宮十二年一聲河滿子雙淚落君前

蘇小小歌

車輪不可遮馬足不可絆長怨十字街使郎心四散

讀曲歌

郎去摘黃瓜郎來收赤棗郎耕種麻地今作西舍道

不見心相許徒云腳漫勤摘荷空摘葉是底采蓮人

思歸樂

晚日催絃管春風入綺羅杏花如有意偏落舞衫多

劔南判官檢校工部員外郎河內李商隱字義山

西溪

悵望西溪水潺湲奈爾何不驚春物少只覺夕陽多色
染妖韶柳光含窈窕羅人間從到海天上莫爲河鳳女
彈瑤瑟龍孫撼玉珂京華他夜夢好好寄雲波

戲贈張書記

別館君孤枕空庭我閉關池光不受月野氣欲沈山星
漢秋方會關河夢幾還危弦傷遠道明鏡惜紅顏古木
含風久平蕪盡日間心知兩愁絕不斷若尋環

有感二首

九服歸元化三靈叶睿圖如何本初輩自取屈釐誅有
甚當車泣因勞下殿趨何成奏雲物直是滅萑苻證逮
符書密辭連性命俱竟緣尊漢相不早辨胡雛鬼錄分
朝部軍烽照上都敢云堪慟哭未免怨洪爐

丹陛猶敷奏彤廷歛戰爭臨危對盧植始悔用龐萌御
仗收前殿凶徒劇背城蒼黃五色棒掩遏一陽生古有
清君側今非乏老成素心雖未易此舉太無名誰暝含
寃目寧吞欲絕聲近聞開壽讌不廢用咸英

樂遊原

向晚意不適驅車登古原夕陽無限好只是近黃昏

哭遂州蕭侍郎二十四韻

近值時多難先令禍有源初驚逐客議旋駭黨人寃密

侍榮方入司刑望愈尊皆因優詔用實有諫書存苦霧
三辰沒窮陰四塞昏虎威狐更假隼擊鳥踰喧徒欲心
存闕終遭耳屬垣遺音和蜀魄易簧對巴猿有女悲初
寡無男泣過門朝爭屈原草廟餒莫敖魂迴閣傷神峻
長江極望翻青雲寧寄意白骨始霑恩早歲思東閣爲
邦屬故園登舟慚郭泰解榻愧陳蕃分以忘年契情猶
錫類敦公先真帝子我系本王孫嘯傲張高蓋從容接
短轅秋吟小山桂春醉後堂萱自歎離通籍何嘗忘叫
閭不成穿壙入終擬上書論多士還魚貫云誰正駿奔
暫能誅儻忽長與問乾坤蟻漏三泉路蟹啼百草根始
知同泰講徼福是虛言

卷六

七

雜五言

送從翁從東川弘農尙書幕

大鎮初更帥嘉賓素見邀使車無遠近歸路更煙霄穩
放驂騶步高安翡翠巢御風知有在去國豈無聊早忝
諸孫末俱從小隱招心懸紫雲閣夢斷赤城標素女悲
清瑟秦娥弄玉簫山連玄圃近水接絳河遙豈意聞周
鐸翻然慕舜韶皆辭喬木去遠逐斷蓬飄薄俗誰其激
斯民已甚佻鸞皇期一舉燕雀不相饒敢共頽波遠因
之內火燒是非過別夢時節慘驚颿末至誰能賦中乾
欲病瘠屢曾紉錦繡勉欲報瓊瑤我恐霜侵鬢君先綬

挂腰甘心與陳阮揮手謝松喬錦里差鄰接雲臺閉寂
寥一川虛月魄萬崦自芝苗瘴雨瀧間急離魂峽外銷
非關無燭夜其柰落花朝幾處逢鳴佩何筵不翠翹蠻
童騎象舞江市賣鮫綃南詔知非敵西山亦屢驕勿貪
佳麗地不爲聖明朝少減東城飲時看北斗杓莫因乖
別久遂逐歲寒凋盛幙開高宴將軍問故僚爲言公玉
季早日棄漁樵

五言述德抒情詩一首四十韻獻上杜七兄僕射相公
帝作黃金闕仙開白玉京有人扶太極惟嶽降元精耿
賈官勳大荀陳地望清旂常懸祖德甲令著嘉聲經出

卷六

三

襍五言

宣尼壁書留晏子楹武鄉傳陣法踐土主文盟自昔流
王澤由來仗國楨九河分合沓一柱忽崢嶸得主勞三
顧驚人百再鳴碧虛天共轉黃道日同行後飲曹參酒
先和傳說羹卽時賢路闢此夜秦階平願保無疆福將
圖不朽名率身期濟世叩額慮興兵感念殽屍露咨嗟
趙卒阮儻令安隱忍何以贊貞明惡草雖當路寒松實
挺生人言真可畏公意本無爭故事留臺閣前驅且旆
旌芙蓉王儉府楊柳亞夫營清嘯頻疏俗高談屢析醒
過庭多令子乞墅有名甥南詔應聞命西山莫敢驚寄
辭收的博端坐埽攬槍雅宴初無倦長歌底有情檻危

春水煖樓迴雪峰晴移席牽緇蔓迴橈撲絳英誰知杜
武庫只見謝宣城有客趨高義於今滯下卿登門慚後
至置驛恐虛迎自是依劉表安能比老彭雕龍心已切
畫虎意何成豈有曾黔突徒勞不倚衡乘時乖巧宦占
象合艱貞廢忘淹中學遲迴谷口耕悼傷潘岳重樹立
馬遷輕隴鳥悲丹觜湘蘭怨紫莖歸期過舊歲旅夢遶
殘更弱植叨華族哀門倚外兄欲陳勞者曲未唱淚先
橫

大虜平後移家到示樂縣居書懷十韻寄劉韋二前輩
二公嘗於此縣寄居

卷六

五

雜五言

驅馬遠河千家山照露寒依然五柳在況值百花殘昔
去驚投筆今來分挂冠不憂懸磬乏乍喜覆盂安甌破
寧迴顧舟沉豈暇看脫身離虎口移疾就豬肝鬢入新
年白顏無舊日丹自悲秋穫少誰懼夏畦難逸志忘鴻
鵠清香披蕙蘭還持一杯酒坐想二公歡

送千牛李將軍赴闕五十韻

照席瓊枝秀當年紫綬榮班資古直閣勳伐舊西京在
昔王綱紊因誰國步清如無一戰霸安有大橫庚丙豎
依憑切凶門責望輕中台終惡直上將更要盟丹陛祥
煙滅皇闈殺氣橫喧闐眾狙怒容易入蠻驚檣杙寬之

久防風戮不行素來矜異類此去豈親征捨魯真非策
居邠未有名曾無力牧御寧待兩師迎火箭侵乘石雲
橋逼禁營何時絕刁斗不夜見纓槍屢亦聞投鼠誰其
敢射鯨世情休念亂物議笑輕生大鹵思龍躍蒼梧失
象耕靈衣沾愧汗儀馬困陰兵別館蘭薰酷深宮蠟燭
明黃山遮舞態黑水斷歌聲縱未移周鼎何辭免趙阮
空拳轉鬪地數板不沈城且欲憑神算無因計力爭幽
囚蘇武節棄市仲由纓下殿言終驗增埤事早萌蒸雞
殊減膳屑麴異和羹否極時還泰七餘運果亨流離幾
南度倉卒得西平神鬼收昏黑姦凶首滿盈官非督護
貴師以丈人貞覆載還高下寒暄亟改更馬前烹莽卓
壇上揖韓彭扈蹕三才正回軍六合晴此時惟短劍仍
世盡雙旌顧我猶羣從逢君歎老成慶流歸嫡長貽厥
在名卿隼擊須當要鵬搏莫問程趨朝排玉坐出位泣
金莖幸藉梁園賦叨蒙許氏評中郎推貴壻定遠重時
英政已標三尚人今佇一鳴長刀懸月魄快馬駭星精
披豁慚深眷睽離動素誠蕙留春晼晚松待歲崢嶸異
縣期迴雁登時已飯鱸去程風刺刺別夜漏丁丁庾信
生多感楊朱舛有情絃危中婦瑟甲冷想夫箏會與秦
樓鳳俱聽漢苑鶯洛川迷曲沼烟月兩心傾

搖落

搖落傷年日，羈留念遠心。
水亭吟斷續，月幌夢飛沈。
古木含風久，疎螢怯露深。
人間始遙夜，地迴更清砧。
結愛曾傷晚，端憂復至今。
未諳滄海路，何處玉山岑。
灘急黃牛暮，雲屯白帝陰。
遙知霽灑意，不減欲分襟。

商於

商於朝雨霽，歸路有秋光。
背塢猿收果，投巖麝退香。
建瓴真得勢，橫戟豈能當。
割地張儀詐，謀身綺季長。
清渠州外月，黃葉廟前霜。
今日看雲意，依依入帝鄉。

悼傷後赴東蜀辟至散關遇雪

卷六

五

襍五言

劍外從軍遠，無家與寄衣。
散關三尺雪，回夢舊鴛機。

柳枝五首

花房與蜜脾，蜂蝶雖同時。
不同類那復，更相思。
木是丁香樹，春條結始生。
玉伴彈棋局，中心亦不平。
餞席重送從，余之梓州

莫歎萬重山，君還我未還。
武關猶悵望，何況百牢關。

滯雨

滯雨長安夜，殘燈獨客愁。
故鄉雲水地，歸夢不宜秋。

朝桃

無賴夭桃面，平明露井東。
春風爲開了，卻擬笑春風。

隋縣尉太原溫庭筠字飛卿

俠客行

欲出鴻都門陰雲蔽城闕寶劍黯如水微紅濕餘血白
馬夜頻驚三更霸陵雪

春日

問君何所思迢遞豔陽時門靜人歸晚牆高蝶過遲一
雙青瑣燕千萬綠楊絲屏上吳山遠樓中朔管悲寶書
無寄處香轂有來期草色將林彩相添入黛眉

鄂州刺史丹陽許渾字用晦

歲暮自廣江至新興往復中題峽山寺四首

卷六

五

襍五言

密樹分蒼壁長溪把碧岑海風聞鶴遠潭日見魚溪松
蓋環清酌榕根架綠陰洞丁多斲石蠻女半淘金南浦
驚春至西樓送月沈江流不過嶺何處寄歸心

長安早春懷江南

雲月有歸處故山清洛南秦城一花發春夢徧江潭

大理評事吳興楊衡字仲師

宿陸氏齋賦得殘燈

殷勤照永夜屬思未成眠餘暉含薄霧落燼迸空筵詎
比秦樓曉含愁別幌前

題花樹

都無看花意偶到樹邊來可憐枝上色一一爲愁開
弘文館校書郎澧州李羣玉字文山

靜夜相思

山空天籟寂水榭延輕涼浪定一浦月藕花閒自香
洋州刺史桂州曹鄴字業之

早起

月墮滄浪西門開樹無影此時歸夢闌立在梧桐井
都官郎中袁州鄭谷字守蕙

中臺牡丹

亂前看不足亂後眼偏明卻得蓬蒿力遮藏見太平

卷六

六

襍五言

贈右補闕蘇州陸龜蒙字魯望

殘雪

桂冷微停素峰乾不徧嵐何谿背林處猶覆定僧菴

襍五言全卷

